

MI PEU YA HAO IKA KOMA MUNYAKO WA SILA SAYONA



Na, sina kamita, ni liyehanga hola kamba zepeli. Mulisana a yema, ali, “Cwale, Ni bata ku zibisa ku mina kaufela Bo. nyandi Branham.” Kihande, Ni na ni lika zeñata za kueza kacwalo Na—Na liyehanga fela nyana ka nako ni nako. Kono nako ye Ni palezwi kuitiisa. Neli bakeñisa buino bwa moya bone bu ezize sani ka nako ye. Na kona ku si beya mwa buino bwa moya ni ku picuka. Ne ni na ni ku li kasheza kwapili, Muzwale Rose, fa nako nyana fela. U zuhile, Kezeli Rose. Mi ki tabo kakusasana cwana mo, kuba ni Muzwale Rose ni Kezeli Rose, ni Muzwale Sharrit, ni mizwale babañata, mina sicaba sesinde kulo kafoo.

² Ni utwa kuli, kuna ni yana ni bulelela kuli, “Ha i nela kwa Phoenix, batu kaufela ba tolanga fela mwa mimbeta,” ha ki cinceho ni yeo, mwa ziba. Leliñwi la mazazi aa Ni ka fiwa lico za mahala. Ba ni bulelelanga kuli wakona kuba ni lico za mahala ibile fela lizazi ha limonyehi. Ni ka libelela sico seo kacenu, nibata kuli ba ni lifele kacenu.

³ Ne ni sweli kuambola maabani busihu, neli kwa keleke yeñwi. Ha ni hupuli libizo la yona. Mi kacwalo ne luna ni nako yende, maabani busihu, kwande kwa sebelezo. Mi ni ku Muzwale Outlaw, ni ku yo fita kwa Tempe, lusweli fela kuba ni nako yende mwa sebelezo moo. Mi Ni kulubela ku kopana ni mizwale ya bakutazi ba kaufela kwa mukopano, kuli lu be fela ni nako ya kuba fela hamoho, Muzwale Rose, ni ku ikambota. Mi kona ze Ni tezi, ku to ba ni sebelezo. Mi ne luna ni . . . ka kotalima fa mukoloko wa ze libelezi za luna ni kufumana libaka zeñata hahulu. Kono Ne ni hupula kuli ye ki kolo yendende hakalo-kalo, kakuli Nina ni ku—ku kopana ni babashutana, kufita kubona ni ku ba potela.

⁴ Linako zeñwi mwa ku kutaza, mukutazi kaufela ha ba mu utwisisangi hande, ka nzila iliñwi kamba yeñwi cwalo. Linako zeñata, batu bakona kunga zobulela mi kipeto iba mufuta wa . . . Iba ze yendamezi ku bona hanyinyani, kuli ba bulele ka nzila yeo. Mi kipeto ya tatama ha li utwa, li ka yendamena neku leliñwi hape. Taba yapili mwa ziba, li zwa mwa nzila.

⁵ Kacwalo—kacwalo luna, linako zeñata, ka kukutaza, Ni omanyanga hahulu likopano ni likundi ni zeñwi cwalo. Linako zeñwi, batu ba bulelela kuli, “Muzwale Branham u lwanisa kopano.” Ao ki mafosisa. Ha ni lwanisi kopano ni yekana. Kono kikuli linako zeñata hahulu batu baitingile fela fa kopano yani,

mwa bona, ni kubeya sepo ya bona ku zeo kaufela mwa sibaka sa ku li beya ku Kreste.

⁶ Ba bata kubona buñata bwa ma membala bao bakona kuba ni bona mwa kopano yani. Cwale, zeo ki zende luli. Ni—Ni. . . Zeo ki zende kaufela. Ni sepa kuli kopano kaufela ilukela kuba ni membala kaufela yo ikona kuba ni yena. Zeo ki zende luli. Kono ha mu taha ku za ku si ka fetulwa ni kubeya fateni kufitelela foo kufita mo mu ezeza fa tiisezo ya Moya o Kenile, sina Muzwale Rose ha na sweli kubulela fa nako nyana yefitile, ni lika zeñwi, mi muba ni—ni sicaba se si nahana kuli, “Lu ba siemba sa *kuli*, mi luna lu ba siemba *sani*.” Esi mane, kaufela lu ba siemba sa Mulimu. Mwabona?

⁷ Cwale, haiba Ni bona muuna ya ya zamaya fa nuka mwa mukolo. . . Mi Ni pila bukaufi ni nuka kwa Indiana, Nuka ya Ohio, mi Ni inzi bukaufi ni sibuba. Ki sibaka se si maswe hahulu, sibuba sani sa wa, kakuli si ka ku wiseza fafasi kapili. U sa ya fela kwa sibusa sani, hakuna mukolo o kona kupahama fateni, kakuli ki sika sa kuli, mwendi butelele bo bulikana fote-kambafifite mafiti kuwela fafasi, mi cwale kuna ni buliba bobutuna kwatasi, ili kutana fela hande fa licwe, licwe la kwatasi kwani. Mi Ni sepa kuli—kuli—kuli likwahezo, likwahezo ze sweu, li suluha ka mafiti a mashumi amane kuzwa fahalimu, mwabona, ko yo punya fa suluhela fafasi, ni kukutela mwahalimu hape. Mi kipeto azwelapili kufetauha ona cwalo, ni kukena mwatasi a ka lubilo ni butungi bo bu kuma fa mafiti a sikisite kamba sebente cwalo. Mi mwahali mwani kuna ni musima o sweli ku apikulusa neku *le*, ni ku atisa fande mi aya neku le mwa mukokolombwa omuñwi. Hakuna fela mukwa wa kupila ka ona, mwa bona.

⁸ Muuna cwana akile aya kwateni nako yeñwi ni sapalo sa kutapa ni sona. Ne ba boni fela inge sika se si wa, *cwalo*. [Muzwale Branham uliza munwana wa hae—Mu.] Hamoho ni yona baki ya bupilo yani, ona buhali bwa mezi bwani bwa muisa fela kwatasi. Mi ne ba si ka mu fumana. Ha ba si ka ziba ze ne ezahali ku yena. Hakulata na ilo kolatela kwa macwe kamba kwa mañope mwatasi mwani, sina cwalo, mi hakuna mukwa wa kupila ka ona.

⁹ Mi haiba Ni bona mutu yaya mwa nuka mwa mukolo wa cwalo, ali kuina fani inza bala, inza ya cwalo, mi Ni kala ku mu huweleza kuli, “Zwa mwa mukolo woo. Mukolo woo hauna ku kona kulwanisa mandinda ani.” Cwale, ha ki kuli Ni sweli kulwanisa muuna yani, Ni ha ni ka bulela ka kuhalisa ni ku mu omanya. Ha ki kuli Ni sweli ku mu lwanisa muuna wateni. Na mulata muuna yani, kono Ni ziba kuli u ka ziyeleha. Ki kabakaleo ha Ni mu huweleza. Kakuli ha ki. . . Ki kuli Na mu lata, kona—kona libaka le Ni huwela. Kambe Ne ni sina taba, Ne ni kali, “Kihande, ishwele fela,” zwelapili cwalo, mwabona, kambe Ne ni sa mu tokomeli.

¹⁰ Kono libaka le Ni bulelela cwalo kakuli Ni nani ciseho ku za Keleke. Nina—Nina ni ciseho kwa Keleke ya Mulimu. Mi Ni—Ni toile ku I bona haiba fela ka mihupulo ya kopano. Mi Ni ziba mukwa wani, kona ni keleke mo i kenezi mwa macwe cwalo, ona cwalo fela, kukena hande mwa mukwa wa likopano fela wani.

¹¹ Munahane fela ancafazo mwa nako ya ma Lutheran, mutalime ko ne i ile. Mi i sa yo nata fela fani, ne i si ka zuha hape. Ma Lutheran ne ba si ka kuta hape. Mutalime ma Methodist ba Wesley, ne ba si ka kuta hape. Mutalime ba Pilgrim Holiness, ba Nazarene, kaufela baba siyezi, ba Baptist, ba Presbyterian. Bana ni ancafazo, mi kipeto mutu yomuñwi u yema ni mata a Mulimu ku yena, ukala kukena mwa Moya. Mi cwale mutu yani ha sa ile, kipeto ba toma kopano kuzwa fani.

¹² Inge ba Moody Bible Institute, sibaka sesinde, kono hasina kuba inge Moody mwa na bezi hni sona. Mwabona? Mi lika za na yemela Moody, bakwahule ni zona ka limaili zelikana ma milioni, kona kuli ki fo he cwale. Mi cwale kaufela se li za kuikupulela feela, kanti Moody yena na bile ni zona mwa Moya, mwa bona. Mi kacwalo muka—muka fumana cwalo, mwa litaba zeo.

¹³ Cwale, hane Ni kalile pili, ni kutaha kwanu kwa Phoenix, lilimo za kwa mulaho, mwa muzamao wa Pentekota, ne nina ni kolo ya kukalisa kopano na kasibili. Mizwale ba Pula yamwa Mulaho ba taha kuna, bali, “Se ki sona. Ha lu kaleni. Kiñi, lu kaba—lu kaba babatuna kufita kaufela bona.”

¹⁴ Se nili, “Sishemo! Ha ki cwalo. Zeo haki—haki zona zeo, mizwale. Mu—mu kwahule ka limaili ze milioni ni—ni nzila. Mulimu haana ku li fuyola.” Mubale makande a mina a kale. Mubale Bibe. Hakuna kuba kopano ye ka zwa mwateni, ye ka zwa ku ye. Yeo kona niti. Ye i ka ongaongiwa ni kukena mwa . . . Ki mwa buino bwa Laodesia cwale. Kono Ni ka ku bulelela, muzwale, hakuna likopano ze fuyozwi ki Mulimu ze ka taha hape. Hakuna kuba sika sa se. Lu kwa Kutaha kwa Mulena. Mwabona? Mi Mulimu uka zwise bo masiyaleti kuzwa mwa muzamao wa swalisano, o sweli kuezahala cwale, ku Munyaliwa, kono hakuna kuba sika se si ka ikopanya, ka moya, nihanyinyani. Mwabona? Ku felile.

¹⁵ Ha Ni bona mizwale baka, mizwale babande, inze ba yendamezi ku ze cwalo, kona kuli Ni sulula kaufela ze Ni nani. Mi fokuñwi mizwale bali, “Kihande, Muzwale Branham wa lu lwanisa. Luna lu . . .” Ao ki mafosisa. Mawi! Yeo—yeo ki nto ya kwahule luli ni muhupulo waka, wa kuba ya lwanisa mutu. Na—Na mi yemela. Ni muzwale wa mina, mwabona, ni lika mo ni konela. Mi kona libaka ha Ni si ka ikopanya kwa kopano ifi kaufela, kuli Ni yeme mwa pakani ni kubulela kuli, “Muzwale, usike. Yeo ha ki yona nzila.”

¹⁶ Ba li, “Lu ba Assemblies.” Zeo ki zende. Ba Assemblies of God ba bile mbuyoti yetuna ku na. “Luna lu ba Foursquare.”

Kihande, mutalime mbuyoti ye ba bile ku na. “Ki luna ba Jesu Name.” Mutalime mbuyoti ye ba bile ku na. “Ki *luna* ba, *babañwi*.” Kaufela, ki limbuyoti kaufela. Ki—ki sicaba sa Mulimu. Mwabona? Mi sicaba sa Mulimu si fumaneha mwahala zona kaufela.

¹⁷ Mi halikalala kuikopanya mwahala luna, kubulela kuli, “Luna lu babande fela kwanu kufita ba Church of God,” mwa bona, kamba, “Lu babande nyana kufita ba Foursquare kamba ba Jesus’ Name,” kamba nto yeñwi ye cwalo. Ha lu se lu li fela. . . Lwa kona ku shutana hanyinyani mwa minahano. Kaufela luile kwa kuca manzibwana kacenu, kaufela luna lukona kuca nama yeshutana, kono lusweli kuca nama ni hakuli cwalo, mwa bona. Wo kona mulelo. Kacwalo mulelo wateni, ki kuli, haiba—haiba lwakona fela kubona swalisano. Kacwalo musike mwa yendamena kwa kopano. Yendamena kwa Kalvari. U shwile kwa lika zeñwi ze. Mwabona? Mi Na lumela. . .

¹⁸ Haluboneñi ni bulele cwana taba ye ha i sa li mwa muhupulo waka. Ni lumela kuli kopano ibile mayemo amande. Kakuli, kuna ni linako zeñata, mizwale, ka mo lutoezi ku nahanela cwalo, kubile lika zetahile mwahala luna, ni lika zecwalo, ze kopami. Mi batu ba ikungela ona lituto ze kopami zeo ni kuhasanya sicaba ka nzila kaufela. Mi sikwata sa mizwale sikopana hamoho zeo ki. . .ze Ni. . .Se Ni talusa ki kuzwela kwande sina mo ne ba ezelize mwa mazazi a makalelo ni mikwa kaufela ye cwalo. Mi—mi luna ni zona kacenu, mwabona, li sa zwelapili feela. Mi sicaba se si kona kutaha hamoho. . .

¹⁹ Siswaniso sa niti sa Pentekota, kuya ka mulelo waka, ha li taha ku za kopano, ki kekeke ya—ya, Muzwale Pethrus, kekeke ya Filadelfia kwa Sweden. Cwale, habana taba ka mufuta wa tuto o munani, haibile fela ki ya Mañolo. Haiba mu bata ku libona ka nzila *ye*, nzila *yani*, kamba sika sifi kaufela, ibile fela mu ba ni kutwano ni kupila bupilo bo bukenile hande. Ki fo cwale. Zeo ki zende. Mi haiba ubata kubulela kuli Jesu u taha fa pelesa yesweu, mi yomuñwi ali Uka taha fa lilu le li sweu, u Mu libelele ka nzila yeo. Muzwelepili fela, ibile fela mupila bupilo bo bu kenile mi mube ni kopano. Cwalo kona mo kuinezi. Kona cwalo.

²⁰ Kuli, kihande, cwale, leo kona libaka lililiñwi, balikani, ha Ni inzi ni sikwata sa Baana ba Pisinisi se. Kakuli, Ni ziba kuli kuna ni lika zeñata mwateni ze lukela ku tatululwa hande. Kono ki—ki zende zelunani. Eehe. Yeo ki niti. Eehe. Kuna ni lika zeñata ze Ni lukela kubulela. Mi—mi mina, mizwale kwanu ba ka mi bulelela, Na li kuba ni kanane ni bona. Ni tile kwanu sina mutanga Mulimu, ku to bulela Niti. Mi Ni lukela ku yo ikalabela ka zona. Yeo ki niti. Muzwale Rose ali, “Kona ze lu ku latela.” Kihande, sani—sani, kihande, halukoni. . .Luna, lu lukela kuina ni Linzwi le. Mwabona?

21 Nako nyana fela yefitile, Na sepa, kana noli mwa . . . Ne nili kwa buse bwa mawate, kamba kwani kwa sooli sa mafelelezo, mi ne ba na ni mukopano, mi babañwi ba mizwale ne basweli ku ikuhumusa mwa mukopano omutuna wo kone bana ni baana ba pisinisi, kwa matakanyani. Mi ne basweli kuambola ka za, “Ne ni na ni sibaka nyana kwa makozwana. Musebezi waka no si omunde. Mi Ne nina ni nako yetata. Mi taba yapili mwa ziba, Na—Na taha ku to amuhela Kreste, mi—mi, oh, Ni nani lika kaufela cwale.” Cwale, zeo ki zende. Lwa itumela ka zeo. Zeo ki zende, kono ki bufumu kamita ha butalusi Kreste. Kuli, mwabona, mi luna ni kutokomela zeo. Cwale, zeo ki zende. Mwabona? Na . . . Hakuna ze ni nyaza ka zona.

22 Kono Ne ni swana ni mizwale bani busihu bwani. Lwa ya kwani kwa motela kone kuna—kuna ni sikwata ko ne luinzi kwani, ni Muzwale Shakaria ni luna kaufela. Mi se Nili, “Kihande,” se Nili, “mizwale, Ni ka mi bulelela.” Se nili, “Ni—Ni sepa mina mizwale mu sikwata sesinde hahulu sa baana be Ni kile na katana, mwa bupilo bwaka. Kono,” Se nili, “taba yateni ki kuli,” Se nili . . .

23 Ha ni wa siemba sa kopano ifi kaufela, kono Ni wa siemba sa kopano yani ni sani. Ni na ni kadi ya kopano ni bona, kadi fela inosi ye Ni nani, kakuli i yemela likopano kaufela, mwa bona. Mi sani kona se Ni tabela. Sani kona se Ni ikataleza.

24 “Kono,” Se nili, “nto yene ni bilaeza, kuli mina mizwale fapila baana bani kwani, baba fumile hahulu kuonyoka ka linako ze sikiti kufita mo mubezi, mi ni kulika kuba bulelela kuli Kreste ki bufumu. Musike mwa lika ku ba bulelela zani.” Mwabona?

25 Musike mwa lika kubapiswa kwa lifasi. Mutuhele kuli lifasi litahe mwa sikwenda sa luna. Musike mwa ya kwa mafulo a bona. Mwabona? Mwabona? Hamuya kwa mafulo abona, haluna kubenya ni bona. Hanili mane, Evangeli ha ibenyi; kono ya monyeha. Hollywood ya benya. Evangeli ya monyeha. Kuna ni shutano yetuna mwahala kumonyeha ni kubenya.

26 Mi kacwalo, cwale, mi se Nili, “Mizwale ba Pentekota ba makalelo bene bana ni sesiñwi, ne balika ku zwa kusona, ni kufepa babotana, ni zeñwi ze cwalo, ni kuzwela kwande kusina sika, mwabona, ku yo kutaza Evangeli, kuba mwa silikani.” Se nili, “Cwale lu lika ku ikuhumusa ka buñata bwa lika ze lunani.” Se nili, “Ha ki shutano ni yeo!”

27 Mi muzwale alimuñwi yomunde, kasamulaho wa nako nyana ayema, ali kuna, ki hali, “Muzwale Branham, ani neli mafosisa amatuna hahulu ao batu bakile ba eza fateni.”

28 Mi se Nili, “Cwale, talima, muzwale, Ne ni sa liki kueza kuli sicaba si lekise kaufela ze ba luwile. Kono Ni lika kubonisa taba kwa baana ba pisini baa.”

Mi ali, “Ani neli mafosisa amatuna luli, kwa sicaba.”

29 Se nili, “Ne ba ezize sani ka Moya o Kenile. Ki Moya o Kenile o no ba bulelezi kueza cwalo.” Moya o Kenile kona o bulelelanga mutu kueza sika, ueza Sa kubulelela ku eza.

30 Mi ki hali, “Kihande, neli mafosisa amatuna hahulu ao keleke ikile ya ba ni ona.”

31 Se nili, “Kiñi, muzwale?” Mi ona fani muuna yani yene Ni ambola ni yena.

32 Ki hali, “Kakuli, ona fani fela kañi nyana yene tile mwa keleke kwani, nekuna ni shutano mwahala Magerike ni—ni Maheberu, ni babañwi cwalo,” ali, “sicaba sani ne si sina sibaka kwa kuya. Ne ba sina nihaiba ndu kwa kukuta.”

Se nili, “Ki tato ya Mulimu fela.”

Ki hali, “Kana yani ikaba cwani tato ya Mulimu?”

33 Se nili, “Ne baile kai ni kai, inge ba hasanya Evangeli, kakuli ne basina sibaka kwa kuya.”

34 Moya o Kenile ha u ezi mafosisa ni amanyinyani. Kutokwa ha uezi ze cwalo. Ku felile. Mi sina hane Ni ambola maabani busihu, u lukela fela kuswala Mulimu, ni kuswala Linzwi la Hae, ni ku kumalela ku lona. Hakuna taba kamba Li kuisa kai, tundamena fela ku Li latelela. Tundamena fela kuya ona cwalo.

35 Kono Na kaniti ni—ni muyemeli wa kopano ya Baana ba Pisinisi yee. Mi mukopano kaufela o Ni memiwa, Na yanga kamita ni yo kutaza, kubulela kaufela ze Ni kona. Ha ki kulika fela kubulela sika, se si ka tabisa mutu, wa *Kuli-ni-kuli*. Kono nako kaufela ha Ni ya kwa mukopano waka, Ni likanga kubala ni kulapela kuitima lico, ni kubulela kuli, “Mulena Jesu, kiñi—kiñi se Ni ka bulela se si ka tusa sicaba.”

36 Mutu kaufela u ziba kuli ha Ni mukutazi. Ha ni mubuleli. Ni—Nimu. . . Mutu kaufela u ziba ona cwalo. Ha ni mukutazi. Li—li liñusa laka ki ku lapelela bakuli, ni zeñwi ze cwalo. Kono, ha Ni mukutazi. Mutu kaufela na ka ziba cwalo, ha ni utwa ni kutaza. Kono se Ni bulela, Ni bata kubeya ñindi mwa taba ye ka eza nto yeñwi.

37 Ha ki kubulela kuli, “Kana haki—haki mubuleli ya mata nji? Kana ha itusisi sikuwa sesituna nji? Kikuli ha ki yomunde fa katala naa?” Ha ni lati cwalo. Ha—Ha ni koni kueza cwalo. Mulimu ha si ka ni bizeza zeo.

38 Kono Ni lika kufumana se si ka tusa mutu yoo, mi keleke yeo iba keleke yende, ku mu ba tusa kuba sicaba sesinde, ku ba lapelela.

39 Cwale, Ne ni sweli kuambola sina cwana kakuli Ni boni batu babalikani ba ka kopanela mwateni, mi inge inge inela. Kona ha ne Ni bulela litaba zee. Cwale, seli mizuzu ye fifitini kasamulaho.

40 Mi cwale Ni bata kuitumela ku muzwale. Ni zibile Muzwale Fuller fa nako yetelele, kamita na mu lata, kwatasi a pilu yaka. Mi luna ni lika zeñata hahulu ka kuswana, Muzwale Fuller. Mi kacwalo luna. . . Ni boni Muzwale Fuller cwale fa myaha yemiñata, mi Ni mu zibile kuba muuna wa luli wa Mulimu, mi Na mu lata. Mi Ni teni mo kakusasana cwana ku to kopana. Mu ni swalele kuli Ne ni siyo busihu bwani ha ne li zibahalisizwe mwa sibaka se, kono neli sesiñwi sene Ni sa koni kuikezeza. Mi Ni tabile fa kuba mo kakusasana cwana, kubona keleke ya hae, hande, ka mo Mulimu a ba fumisize ni ku ba fuyola. Mi—mi lika kaufela Za mu ezelize, Na itumela luli ka zona. Mi Mulimu atundamene ku mu fuyola, ni kufuyola tabernakele ye, mi—mi ni—ni katengo ka basepahali, madikoni, ni ma membala kaufela ba keleke. Mi u hule ni kukondisa za hao ka muhau wa Mulena, kona tapelo yaka ye ishuwile.

41 Cwale, lu si ka atumela kale Linzwi, ha lu atumeleñi Muña lona, pili. Halu inamiseñi litho za luna fa nako nyana kwa tapelo.

42 Halunze luinzi ka likute cwale fa Pila Mulimu, ni litho za luna ni lipilu ze inami, kana kuna ni kupo mwa pilu ya hao, ka sika so tokwile, seo u bata Mulena ku kufa sona, kuli Ni kone ku ku hupula mwa tapelo yaka kakusasana cwana mo mwa keleke? Kikuli mu ka li zibahalisa ka kunanula lizoho la mina? Mu li beye fela mwa munahano wa mina, seo sili sona. Mulena a alabe mañi ni mañi wa mina ka likupo za mina.

43 Mulimu ya musa ni Ndate ya kenile, Yana ezize lika kaufela ka Krete Jesu, kwa kanya ya Hae, lutaha fa Pila Hao kakusasana cwana ni buitumelo mwa lipilu zaluna. Mi ha lu tahile mwa pula cwana, mi ni moya sweli kufuka, pula isweli kunela, lwa lapela, Ndate yakwa Lihalimu, kuli U lu sululele pula ya Lihalimu, pula ya moya, pula ya mwa mulaho ni pula ya maseulo, hamoho, mwa lipilu zaluna kacenu.

44 Lwa lapela, Ndate, kuli U fuyole keleke ye. Lu itumela hahulu ka zona, ka mulisana wa yona, kwa kopano ya yona, kakuli ki. . . sibaka koo batu bakona kukopanela ni situwa fahalmwa litho zabona ni sipula sesinde mwa kuina.

45 Lu kutela mwa minahano ya luna kwa litaba za kale za Keleke yapili ye, yona nako yapili, baapositola, Keleke ya katolika, ni kubona mo ne ba inezi fa mandobu ni macwe kamba lika kaufela zebakona kueza, ku to utwa Linzwi la Mulimu, mi ni ku kubama fafasi, mi kwa bata mwa macwe ni mwa masila, mi ba nanulela mazoho abona kwa Lihalimu ni kuikola Pata ya Moya o Kenile. Ku bafa buicemeli bo bu swana mwa bupilo bwa bona kufitela ba kena mwa musima wa litau, mane kusina neba kushenya, kono lumenyo mwa sifateho sa bona, kutalima kwa Lihalimu, ka kuziba, mwa mizuzu yelikani, ba kaba fa Pila Hae Yena ya lu latile.

46 Oh, tumelo ya bo ndata luna, i sa pila, neba mwa misima, mililo ni lilumo. Lu ncaafaze, O Mulena, tumelo yecwalo. Ulufe mbuyoti yetuna ya buapositola bwa Moya o Kenile.

47 Mañi ni mañi kacenu ya nanulezi mazoho a hae mwahalimu, U ziba se ba tokwa, Mulena. U ziba se sili kwa mulaho wa lizoho lani, mulelo wateni ni muhupulo mwa pilu yani. Wena fela unosi ki wena yakona kufa zetokwahala, Mulena. Mi Na ba lapelela, kusina kuziba ze ba tokwile, kono ni fa tapelo yaka sina kupo ku bona. Kakuba mutanga Hao, Ni lapelela mañi ni mañi ka kusepahala, kuli, kaufela se ba kupile, ha ba amuhele. Ba fuyole, Ndate.

48 Mi cwale halunze lubala ka Linzwi la Hao, ni kuluta sitopa sa sikolo sa la Sunda se, sina mo ne si kuinezi, kakusasana cwana, Ni lapela kuli U nge Manzwi aa ni ku sebulula kwateni ku sa lumela kaufela ku bona, Mulena; kuli, mata kaufela a Satani na ka lika kutateza mwa sikapi se si ka Li paleliswa kuhula. Ha ikene mwa pilu kaufela, mi kwa ba muselo wa kuluka, Mulena. Tumelo, ka kutahisa so tomezi Linzwi la Hao kuli lieze, kubulela kuil, “Halina ku kutela ku Na mukungulu, kono Li ka peta se Li lumezwi.”

49 Cwale, Mulena, kenisa mutanga Hao. Linzwi la Hao li kenisizwe kale. Mi, hamoho, lu kone kufepa mutapi o Moya o Kenile ulufile ona—ona musebezi wa buluti. Lu kupa ka Libizo la Jesu. Amen.

50 Cwale, ku mina mutabelanga kubala fokuñwi, hamoho ni—ni Liñusa, Ni ka . . . Na mi kuza, haiba mu ka apula mwa Buka. Mi Ni na ni Liñusa nyana la sikolo sa la Sunda, cwalo, kwa sicaba se kakusasana cwana.

51 Kikuli mwa ni teezeza hande, maneku kaufela, kwa libaka kaufela? Ni shenyize maikulofoni ye mwahalimu. Ni silezi fela linzwi nyana. Na, Ni sa fita fela kwanu, Ni kulanga libelenge. Diabulosi ulikile mwa konela kuli ku ni beya kwahule ni sibaka see. Ha ni zibi. Ni lumela kuli Mulimu uka sulula nto yeñwi yetuna fahalimwa mukopano wo nako yee, kakuli Satani u ezize lika kaufela za na kona kuli a ni hanise zona.

52 Kono cwale lu ka bala mwa Genese, kauhanyo ya 22. Mi mina ba ba ka apula mwa Bibeze za mina, ha lu baleñi siemba sa Yona, hamoho. Genese 22, ha lu kaleleñi fa timana ya 9.

Mi ba fita mwa sibaka sa na ba bulelezi Mulimu; mi Abrahama a yaha aletare fateñi, a lukisa likota, a tama Isaka mwana hae, a mu beya fa aletare fahalimwa likota.

Mi Abrahama a otolola lizoho la hae, ni kunga tipa kuli atabe mwana hae.

Mi lingeloi la MULENA ki ha li mubiza lili kwa lihalimu, la li, Abrahama, Abrahama: mi ali, Kina Yo.

Lingelo la li, Si i si lizoho la hao ku mushimani, u si ke wa mu eza sesiñwi: kakuli cwale Ni ziba kuli u saba Mulimu, ha u si ka ni hanisa mwana hao, wa libanda.

Cwale Abrahamama ananula meto, abona totolo kwa mulaho wa hae, i swasizwe mwa sicacani mwa manaka, kamba kwa manaka, nitaluse: mi Abrahamama aya anga totolo, mi a i eza sitabelo fahalimwa...sa kucisa bakeñisa mwana hae.

Mi Abrahamama abeya sibaka seo libizo la Jehova-jaire: sina mo ku sa bulelelwa ni kacenu, Fa lilundu la MULENA ku ka iponelwa.

Mi lingeloi la MULENA la biza Abrahamama la bubeli lili mwa lihalimu,

Mi lali, MULENA ubulela kuli, Ni konkile ka Na, . . . kuli kakuli u ezize taba yeo, u sa ni haneli mwana hao wa libanda:

Kwa kufuyola Ni ka ku yola, mi kwa kuatisa Ni ka atisa lusika lwa hao lu be sina linaledi za . . . lihalimu, mi sina lishabati . . . fa likamba la liwate; mi bana ba hao ba ka luwa minyako ya lila za bona;

⁵³ Ni bata kunga pepelo ya mafelelezo yeo kuba tuto: *Mi Peu ya Hao Ika Koma Munyako Wa Sila Sayona.* Yani ki—ki sepiso yende.

⁵⁴ Cwale, kaufela luna lwa ziba likande le, mwendi lu balile fateni, kukuta kela, nako ni nako, la Abrahamama, ni ka mo Mulimu na mu bizelize kuzwa mwa naha ya habo, ni ka mwa na bezi fela mutu sina babañwi, nekusina za butokwa. Kono Mulimu a mu biza ni ku mu fa sepiso.

⁵⁵ Cwale, Ni bata kuli mulemuhe sepiso ye yana file Mulimu ku Abrahamama ne si fela ku Abrahamama, kono neli kwa peu ya mwa mulaho wa hae. Cwale, batu babañata bali, “Oh, kambe Ne ni kaba sina Abrahamama, kambe Ne ni kaba ko Mulimu na ka ambola kuna ni—ni ku nifa sepiso sina ya Na file Abrahamama, mi Ne ni kaba ni yona. Ne—Ne ni ka ba ni tumelo luli, Muzwale Branham, kambe Ne ni kaba fela, haiba Mulimu u ambozi kuna sina mwa na ambolezi ni Abrahamama.” Kono una ni sepiso yeswana yana bile ni yona, yeo ki kuli, haiba u Peu ya Abrahamama.

⁵⁶ Mi u li, “Kono, Muzwale Branham, Ni wa Macaba. Ne ni sike naba peu ya Abrahamama.”

⁵⁷ Peu ya Abrahamama ne si peu ya nama. Neli Peu ya moya, kakuli mupato wa sani ne si nto isili. Sepiso, Mane na mu file kale mupato. Kono ne i filwe ku yena a si ka kena kale mwa mupato, mi ne si kuli na keni mwa mupato ni mwa bulikani ni Mulimu ona cwalo. Kakuli Abrahamama na lumela ku Mulimu.

⁵⁸ Mi Mañolo abulela, kuli, “Ha lu shwile ku Kreste, lu ba Peu ya Abrahamama.” Paulusi wa bulela ka zona, “Mi ya li Mujuda ha ki

Mujuda wa kwande, kono ki Mujuda wa mwahali.” Kabakaleo, haiba u pepilwe ka Moya wa Mulimu, “mu Peu ya Abrahamama, ni baci ba sanda ni Abrahamama kuya ka sepiso.” Mwabona? Kabakaleo sepiso kaufela ya na file Abrahamama ki ya hao, kakuli ka moya u Peu ya Abrahamama.

⁵⁹ Mi wena u Mujuda kufita ha no ka pepwa mwa mali a Sijuda, mi cwale—mi ni kuba Mujuda wa orthodox mwa keleke yani, ni kulatula Moya o Kenile wa Mulena Jesu Kreste. Mwabona? Wena u Mujuda hahalu, kakuli u Mujuda ya pepilwe ka sepiso yezwa kwa Lihalimu, yeo Mulimu na file Abrahamama, mi Abrahamama a i amuhela ka tumelo, mi kona se ne si muezize ka mwa na inezi. Esi mane, Mujuda ki kauhano fela, ni kuzwakana, Muheberu, ni zeñwi cwalo.

⁶⁰ Cwale, kono ha u so kauhani kwa lika za lifasi, kuzwakana ni mululwani o kauhanya wani, mi usweli kuzamaya mwa naha ya kwahule, naha yo si ka zamaya kale mwateni, kwa simuluho, ni sicaba seo usika twaela kwa makalelo, kipeto u ba Mujuda wa moya. Kakuli, nzila yeswana yeo Abrahamama, ka tumelo, na zwezi mwa naha, asiya sicaba sa hae, ku kena mwa naha yenca ni sicaba se sinca. U siile sicaba sa henu, u siile lifasi mwa mulaho, u siile balikani ba hao, usilezi mwabuse, ka Mali a Jesu Kreste, mi u muzamai, ubata Munzi o Muyahi ni Mulali wa ona ki Mulimu, sina Abrahamama mwana bezi. Bazamai, ni Yena, inza pila mwa litende, likeleke, batu ba naha yeñwi ya Mubuso wa Lihalimu, sanda sa lika kaufela ka Jesu Kreste. Mwabona? Lu silezi mwabuse, lu kauhani.

⁶¹ Cwale, Abrahamama, sepiso ifilwe ku Abrahamama ni Peu ya mwa mulaho wa hae. Cwale, Mulimu nafile sepiso ye ku Abrahamama, kwa Peu ya hae, ye ne ka luwa munyako wa sila sa yona Amano lika Abrahamama, kutatuba Abrahamama. Kasamulaho wa kutaha kwa muliko, nako yani. . .

⁶² Abrahamama na sa cincizwe kale, mo ne lu ka li bizeza, kuzwa kwa buhedeni kutaha ku Mulimu. Mi cwale Mulimu amufa, kuba sisupo sa Moya o Kenile, ili mupato. Mi, kasamulaho wa mupato, kona kutaha nako ya muliko.

⁶³ Ki mufuta omunde luli fa wa Keleke, kuli, kasamulaho lu mano piliswa, konakuli lu fa liswayo la mupato wa sepiso, o si wa nama, kono ki wa Moya. Mi Moya o Kenile kona mupato wa luna. Ki tipa ye buhali ya Mulimu. Ya kauhanya ni kusehulula kwateni litalo le li fitelezi, la lifasi, ku luna. Linzwi la Mulimu, libuhali kufita mukwale o lozizwe kafa ni kafa! Kacwalo, mwa bona, kukuta kwa mulaho hape. Linzwi la Mulimu kona sika seo Moya o Kenile uitusisa; isiñi lituto za litumelo, isiñi likopano. Kono Linzwi kona le li lu kauhanya kwa lika za lifasi. Li sehulula kwateni milelo ni lika, ni ku lu kenisa ka kutala ku Mulimu.

⁶⁴ Jesu naize, “Ha muina ku Na, ni Manzwi a Ka aina ku mina.” Ki fo he cwale. Konakuli, ha ki linzwi la hao. Ki Linzwi la Hae.

Mi, mwa bona, “Ha muina ku Na, ni Manzwi a Ka aina ku mina, mwakona ku kupa se mu lakaza.” Uh-huh. Mwabona? Seo sili sona, ha u buleli manzwi a hao. U bulela Linzwi la Hae.

65 Kacwalo he Moya o Kenile ki Ona o lwala Linzwi la Mulimu ni ku lu kauhanya kwa lika ze za lifasi, mwabona, mupato, ku sehulula kwateni. Konakuli u fita mwa nako ya muliko.

66 Cwale, Abrahama, kasamulaho amano bizwa, naha ya Makalade, muleneñi wa Uri, na bile muzamai, muyambaeli. Mi cwale Mulimu a mu biza, kasamulaho amano pakiwa kuli na ka zwelapili ni kunga Mulimu ka Linzwi la Hae. Mi, sa na ezize Mulimu ka nako yani, neli ku mufa sisupo, sa Na mu amuhezi, mi A mu kenya mwa mupato. Mi a beya mupato ku Ishimaele ni ba ndu ya hae kaufela.

67 Mi cwale mwa bona, ha—ha mu bizelizwe kwande, pili ufitu mwa muliko, kubona haiba u ka zwelapili luli. Mi kipeto Mulimu u kufa Moya o Kenile, ili sona sisupo sa Na amuhezi tumelo ya hao yona yobulela kuli una ni yona ku Yena. Mwa ni latelela cwale? Uka li amuhela.

68 Cwale, Ne ni sweli kuambola ni . . . Kwa kona kuba mizwale babande babañwi ba Baptist babaliteni mo. Mi mañi ni mañi uziba kuli Ni zwile mwa keleke ya Baptist. Ne ni sweli kuambola ni muzwale waka wa Baptist. Mi ki hali kuna, “Muzwale Branham?” Nali Muituti wa za Bulapeli, muuna yomunde, Mukreste wa niti. Mi ali, “Kono, Muzwale Branham, u zwisa kai kolobezo ya Moya o Kenile yeo haiba ki ye shutana kwa tumelo ye li ku Krete Jesus?”

Se nili, “Kwa shutana, muzwale waka yomunde.”

69 Ki hali, “Kana ha u nahani kuli ha u amuhela Krete, u amuhela Moya o Kenile?”

70 Se nili, “Kiniti. Kono,” Se nili, “wa bona, wena u bulela fela kuli u amuhezi Krete, kufitela A paka cwalo.”

71 Ki hali, “Muzwale Branham, Abrahama na lumela Mulimu, mi a balelwa kuli kulumela kwa hae ki kuluka.”

72 Se nili, “Eeni. Kono Mulimu amufa sisupo, sa kuli Na amuhezi tumelo ya hae, ha Na mu file liswayo la mupato, la kuli Na lemuhile tumelo ya hae.” Amen.

73 Cwale, ha lu amuhela Krete kuba Mupulusi wa luna, konakuli, haiba lwa sepahala ku zeo, kona kuli Mulimu wa lufa sisupo, kuli U amuhezi tumelo yaluna ku Krete, ka ku lufa liswayo la mupato, ili ona Moya o Kenile. Leo kona liswayo la mupato. “Musike mwa halifisa Moya o Kenile wa Mulimu o mu swailwe ka ona bakeñisa Lizazi la Kuliululwa kwa mina.” Isiñi kwa mukopano otatama; kono ki kwa Lizazi la Kuliululwa kwa mina. Yeo ki niti, Maefese 4:30. Cwale, cwalo kona mo lu amuhelela Moya o Kenile.

⁷⁴ Cwale, haiba u li, “Oh, Ni mulumeli,” mi Mulimu ha si ka kufa Moya o Kenile fateni, Ha si ka u lemuha kale. U bulela fela kuli wa lumela. Kono cwale ku kakanya kaufela. . . Ha ni buleli kuli ha u mulumeli cwale. Mwa siemba sesiñwi, u mulumeli.

⁷⁵ Kono cwale Mulimu ha fumana sishemo, u fumani kushemubiwa ki Yena, nitaluse, mi U ku lemuha kuba mwana Hae, mi U ziba pilu ya hao, mane U bona busepahali bwa hao, Wa ziba lika kaufela ze pumilwe ku wena. Mi U ku swaya mwa Mubuso wa Mulimu, ka Moya o Kenile, kubonisa kwa lifasi kuli U amuhezi tumelo yo ipulezi kuli una ni yona ku Yena. Mwautwa kana cwale?

⁷⁶ Cwale, kapili kasamulaho wa sani, kutaha muliko. “Mwana kaufela ya taha ku Mulimu una ni kushapiwa pili, kulikiwa.”

⁷⁷ Jesu, Amano amuhela mutalelela wa Moya, fa nuka, fani Joani ha Mu kolobeza, kapili diabulosi a Mu isa mwa lihalaupa, kuli aye mwa nako ya muliko. Kono cwale ha Na ngile Linzwi la Mulimu ni kukoma diabulosi, “Ku ñozwi. Ku ñozwi,” Na kutile mi a to itukiseza za bulumiwa bwa Hae.

⁷⁸ Mi cwalo kona mwa na ezelize Mulimu Abrahamama. Cwale, Mulimu, kasamulaho wa ku mu biza kuzwa mwa naha ya habo, mi aikaba ili yena kwa naha ya habo, sicaba sa hae, mi cwale Mulimu amufa liswayo la mupato, mi ni ku mufa mwana. Mi ki ha ya kwa muliko wa mafelelezo wani, ku yo punya kwa nako ya talekile mwana hae Isaka kuba sitabelo. Mi ki Hali, “Ka kubona kuli ha u si ka hanisa mwana hao wa libanda, Ni ziba kuli wa Ni lata.” A mufa tatubo yeo.

⁷⁹ Mi kasamulaho wa sani, ndwa ya komiwa ka nako yani, Mi ali, “Mi Peu ya hao ika koma munyako wa lila za yona.” Amen. Na lata cwalo. “Uka koma munyako wa lila za yona.” Lu ka fita fa taba ya mafelelezo yeo mwa mizuzu fela yelikani, haiba Mulena alata. Cwale Na fumani kuli, Abrahamama na sepahala. Kasamulaho Amano fumana Abrahamama kuba ya sepahala, mi A mufa sepiyo ya kukoma munyako wa sila.

⁸⁰ Cwale kwani, linako zeñata, koo buñata bwa luna ba Pentekota lu ezize mafosisa, mi lwa nahana kuli, “Kihande, Moya o Kenile u ni suluhezi. Kanya ku Mulimu! Kona fela ze Ni lukela kuba ni zona.” Batili, sha. Fohe kipeto kona ukale. Wena, ha ki fona fela foo. Ki tatubo ya hao ni muliko wa hao.

⁸¹ Inge fela mo lu fumanezi mwa—mwa, mwani mwa—mwa—mwa Testamente ya Kale; tatubo, kulika, mi ni kutomahanya mwana. Kuañuliwa, kutomahanya mwana kasamulaho amano ba mwana, ya pepezwi mwa lubasi. Ki mwana, kona kuli na ka likiwa ni kutatubiwa, ni kuhuliswa ki baluti, ni kubona mwa hulela. Mi kipeto utomahanyiwa hande ka swanelo, bukaufi, ni ndatahe.

⁸² Cwale kona mo kuinezi kacenu. Lubile ni myaha ye mashumi amane ya muliko wa Pentekota, kamba kufitelela, mwabona,

kutatuba keleke, kubona haiba ba ka yema, kamba nee. Ka kubona se mu...Mi, mwabona, fani kona fo Ni li zusize hape. Kufita ku swalelela kwa sifapahano ni kwa Linzwi, ni kuzwelapili cwalo, lu ba batu mwa mifuta ya lifasi, kuwela neku *le*, kamba kuwela neku *le*, kamba kuswana lik *ze*.

⁸³ Sina ha Ni bile ni bulelenga hahulu ka ku lwanisa batu mwa mikwa ya kacenu yee, basali ba ba kuta milili ya bona, mi—mi baana ba zwelapili ni lika kaufela, ni kutina fela liapalo za butanya ni lika zeñwi. Ni banga ya lwaniswa hahulu ku zani. Kono ki sikamañi sani? Ki kulika kupilisa keleke yani. Ki kulika ku ba nanula fahalimu *fa*, kwa Linzwi la Mulimu, hakuna taba kamba lifasi leliñwi lina ni kubulela sikamañi ka Lona. Mupile ni Linzwi la Mulimu. Amen. Mwabona? Mwabona?

⁸⁴ Taba yateni ki kuli, inge mo ne Ni bulelela maabani busihu, Mapentekota ba libelezi moya wa liñungwa lelituna, kono ba palelwa kuutwa Linzwi le lisisani lani. Mwabona? Kuli, ku fosahalile kueza lika zani. Ba nahana kuli, “Haibile fela moya usweli kufuka, ku lukile.”

⁸⁵ Kono zani ne li si ka ebelelisa ngana ya mupolofita. Moya wa liñungwa no si ka bilaeza mupolofita Elia mwa liñope. Mishika yemituna ni mamonyi, ni kusuluha kwa pula, ne li si ka mu ebelisa ni hanyinyani, mane. Kono sene si mu sabisize ki lona linzwi le lisisani lani, lene li bulela mwahali. “Linzwi la Ka kona Niti. Linzwi la mutu kaufela libe lishano, mi la Ka libe la niti.” Sani kona se ne si hohile mupolofita. Mwabona?

⁸⁶ Mi li eza ona cwalo niteñi. Linzwi la Mulimu kamita li hohanga munahano wa moya wani, kakuli ki munahano wa Kreste ku mina, o ziba kuli Linzwi lani kuba la niti.

⁸⁷ Mi ufita mwa nako ya muliko. Keleke ifitile mwa nako ya muliko woo. Mutu ni mutu una ni kufita mwa nako ya muliko asika ba kale ni kukoma munyako wa sila. Abrahama na fitile ku zona. Kreste na fitile ku zona. Kasamulaho Kreste amano tala Moya o Kenile, kwani kwa nuka ya Jordani, Na fitile mwa nako ya muliko. Kasamulaho Abrahama amano bizezwa kwande, abeya mwa naha ya hae mwa na lukela kuba muzamai, mi afa mupato, mi Mulimu a mu katana, nako ni nako, ibo nana ni kufita mwa nako ya muliko. Peu kaufela ya Abrahama ieza lika zeswana, Abrahama ni Peu ya hae.

⁸⁸ Kopano, keleke, kona libaka ha lu fumana kuli likopano za luna liwezi kwa matuko a nzila, ki kuli ha li to fita fa tatubo. Ki tatubo mañi? Linzwi la Mulimu. Ki yeo tatubo. Linzwi la Mulimu kona tatubo. Kikuli lu ka eza se ba bulela sikwata sa batu kuli lu eze, kamba kikuli lu ka eza sa bulela Mulimu kuli lu eze? Yeo kona shutano.

⁸⁹ Ki zeo za taha, mazazi a Dwight Moody, mazazi a Finney, Sankey, Knox, Calvin, Spurgeon, babañwi ba bona kaufela, ona baana ba moya bani, likopano ne li latelezi mwa mulaho

wa bona. Bana ni sikwata sa baana kwa mulaho kwani se si pumahanya linzila za bona ku sona, mañi ni mañi na lumela se ni *sani*, ni kuekeza iliñwi *fa*, ni kuzwisa sika *fani*, ni iliñwi *fa*, kufitela mafelelezo ba bupa katengo kuzwa ku yona.

⁹⁰ Mi haba eza cwalo, mulumeli wa niti, Mulimu utaha mwateñi ni kunga mutu yomuñwi yomunyinyani, ya ishuwile, mi u sinya sika sani mwa liembaemba. Kiniti. Kamita uezize cwalo. Mulimu ha cinci. U ka si sinyasinya fela mwa liembaemba, batu babañwi ba moya baba kona kupila ni Linzwi lani.

⁹¹ Mutuhele ni mi bulelele. Ni na ni liñolo kwa ndu, la yeñwi ya likeleke zende luli likopano za muzamao wa Pentekota. Musali yani wa pilu ye lobehile a ni ñolela liñolo. Mi ki hali, “Muzwale Branham, Ne ni na ni milili yemitelele mane ne ni kona kuitamanga kwa likoshi.” Ki hali, “Mi ni . . . Bomuuna ka ne ba itabela.” Mi ki hali, “Lwa tuta kuzwa mwa tolopo ko ne luna ni keleke ye neli ya moya hande, kututela ko ne kuna ni keleke yetuna ye, keleke ya pili mwa muleneñi.” Mi ali, “Ha lu yo fita kwani, likezeli kaufela za Pentekota ne ba kutanga milili yabona.” Mi ali, “Ba ni nyaza maswe ka zona. Se nili, ‘Batili, batili. Ni lumela Bibeke ibulezi kuli lusike lwa eza cwalo; kwa swabisa kueza cwalo.’” Mi kacwalo abulela fela kuli, “Mi ba tundamena . . . Ne ba mu sehanga, kuli, ‘Yela, taya ya—ya hao i sweli kupompoloka kwa mulaho, taya ye bulukilwe,’ ni zeñwi ze cwalo. Mi ba kala kushonga muuna ka, kufitela mane, a ni hapeleza ku kuta milili yaka.” Mi ali, “Ni nyazizwe, kuzwa nako yani.”

⁹² Munahane ka zona, keleke ya Pentekota ye lukela kuyemela Linzwi la Mulimu! Koo kona kopano ya hao ko i kuisa. Kiniti. Ba palelwa ku utwa Muhuwo wa Linzwi lelisani lani, o ba bizeza kwa niti. Kaufela bona basweli ba teezeza moya wa liñungwa, ni kuhuwa ko kuñata ni kubina, bali bana ni mata. Zeo li lukile. Na lumela ku zona, hape. Kono, muzwale, haukona kubina ni kuhuwa, mi kipeto ufetuhe ni kulatula Linzwi la Mulimu, ni kupila sina lifasi, kuna ni se si fosahalile kokuñwi. Luli.

⁹³ Moya wa Mulimu utaha fafasi, lona Linzwi lelisani lani, ni ku ku zamaisa kuliba kwa Kalvari, ko lu shwile, mi bupilo bwa luna bu patilwe ku Mulimu ka Krete, ni kuswaiwa ka Moya o Kenile. Mi, Linzwi lani fela linosi lipila ona cwalo. “Mi ha muina ku Na, ni Manzwi a Ka aina ku mina, mukupe se mu lakaza mi si ka fiwa ku mina.” Yeo kona shutano.

⁹⁴ Ni sepa kuli ha Ni bonahali kuba ya fitelezi mwa tumelo. Haiba Ni cwalo, Ni—Ni—Ni tokwile zibo ka zona. Ni—Ni lumela kuli Linzwi la Mulimu kona Niti, mi Lina ni kuina ona fa. Mi haiba Li pila mo, Li ka iponahaleza kwande. Lina ni kuba cwalo! Bupilo bwa hao, sibupeho sa hao kaufela, si ka shutana.

⁹⁵ Kacwalo fani Mulimu hana file Abrahamama tatubo, na tile mwahala bona, ka kutala hande nde. Mi na ka . . .

⁹⁶ Mulimu hakoni kufa kopano tatubo, kakuli kaufela zona li lyangani. Mulimu ha sebelisani ka nzila yeo ni kopano. Ha sebelisani ni linaha mwa lusika lwa Bamacaba. “Na ngile sicaba mwahala Bamacaba.” Isilaele, Na ngile naha. Kono, haili Bamacaba, “Na ngile sicaba kuzwa mwahala Bamacaba bakeñisa Libizo la Hae.” Kacwalo, mwa bona, ha ki kalulo- . . . Ha ki kopano. Ki mutu anosi Ya ngilwe ku Bamacaba.

⁹⁷ Mi cwale muliko ha utaha, mwa bona se si ezahala? Lutahile ka kubeiwa baba lukile. Lwa amuhela kolobezo ya Moya o Kenile mwa muzamao wa ba pentekota. Kono cwale ha li taha kwa nako ya tatubo, baba ni baituti baba fitelezi, ya bata kuba sina lifasi, inge fela mo ne kuinezi mwa mazazi a muzamao wa Wesley ni babañwi kaufela. Ba ya kwa sikolo. Ba—ba ituta sayansi. Mi baituta lika zeñwi ze kaufela ze zamaelela ni tuto. Mi balika kuituta mihupulo ya batu. “Nto yende fela, kihande, musike mwa bulela *se*. Ha ba eze *se* ni *sani*. Kakuli si ka . . .” Mwabona, usweli kuekeza ni kuyaha. Mu—mu—mu mubonelo wa hao u fosahalile. Mulelo wa hao u fosahalile. U sweli kuyahela kwa kopano kufita kuyahela kwa Kalvari. Ukona kuyahela cwani kwa Kalvari, kusina kutaha ka nzila ya Linzwi?

⁹⁸ “Kakuli lu tapile ka mezi a Linzwi.” “Ha muina ku Na ni Manzwi Aka aina ku mina, mukupe se mu lata kaufela.”

⁹⁹ Foo kona fo lu bonela kukomiwa kwa muzamao wa ba Pentekota, kakuli ba zwile kwa Linzwi. Linzwi li ka bulela nto iliñwi; ba ka lika kueza kuli kopano yani ikene mwateni kokuñwi. Mi ba ka zamaya kuzwa kwa Linzwi lani, ni ku linga hande mwa kopano. Mi mwabona ko se li ile? Mane kuswana fela sina likeleke zeñwi kaufela. Kono cwale lwa bina ni kuhuwa, ni kubulela ka malimi, ni kutula tula mwahalimu ni fafasi, zeo kaufela ki zende. Likopano za bona ki zende. Ni sepa Na utwahala shaa. Kono taba yateni ki kuli, Muhuwo nyana wa Linzwi lelisani lani leli bulela. Kona cwalo.

¹⁰⁰ Una ni kufita mwa tatubo. Mulimu uka ku tatuba sina mwa Na ezelize ku Abrahamama. U tatubanga Peu ya Abrahamama, ya mwa mulaho wa hae. Mi cwale, libala le lu sa komeli minyako ya sila, libaka le kubezi zeñata hahulu mwahala luna, ki kuli halukoni kuyemela tatubo. Mi haluboneñi ni mi bulelele nto yeñwi, tatubo ya Linzwi i lukile.

¹⁰¹ Libaka le lu sina, mi haluna kuba ni zona . . . mwa kopano. Ni sepa kuli Pentekota ina ni kopano yende. Babañwi ba baana babande be Ni . . . ki bao bona . . . babapila mwa lifasi, ki ba siemba sa—sa kopano yani.

¹⁰² Ba Assemblies of God, Ni na ni balikani mwani. Mawi! Muzwale kwani kwa Indiana, Ni ka ba ni, kuba ni mukopano, Na lumela, kuba kwani, kapili fela. Muzwale Roy Weed, ki muuna wa sikiliti sa tolopo ya Indiana. Ni lumela kuli ki muuna wa bulapeli. Ibo, ki muuna wa ba Assemblies of God.

103 Foursquare, oh, mawi, ki babakai! Ralph McPherson ni buñata bwa mizwale yani, baana ba bumulimu, hakuna sika mwa bupilo bwa bona. Ki baana babande.

104 Kwani ku ba Oneness, se baipiza kuba ba, Oneness. Kamba, cwale, Hani sepi. . . Ba li biza kuli keleke ya Libizo la Jesu. Jack Moore, nasweli kubiza fela alimuñwi wa. . . Kuna ni baba mianda, baana babande, baana babande, baana babulapeli.

105 Kono taba yateñi, muzwale, ki ye, ha u inelela kwa kopano yeo. Mwabona? Mulimu unga likopano zani, mi—mi kaufela bona ba wile. Mu ba talime, bulifasi bwa kena mwateni. Mutalime bahame ba bona. Mutalime ba handate ba bona. Mutalime buino bwa bona. Na kona ku mi supeza, ba Assemblies of God baba ni madikoni fa katengo ka bona, baba nyezi habeli kamba halalu, bakutazi banze bazwelapili. Basali ni milili yabona ye kutilwe, batina tuputula, mipende, mi ba sa ipulela kuli bana ni Moya o Kenile, u itingile fa bupaki bwa kubulela ka malimi, kamba kutulaka mwahalimu ni fafasi, kamba kuhuwa.

106 Ba palelwa ona Muhuwo wa Linzwi lelisani lani. Linzwi lani kona le li kubeya hande mwa sikuka ni sifapano. Fani kona fo liina. Kona ha lu si na bapolofita ba niti mwa keleke kacenu, sina Agabasi.

107 Ki kabakaleo, keleke kacenu, ba—ba palelwa ku kuteka za kubulela ka malimi mutu ha bulela mwa malimi, kakuli bautwile hahulu za buhata lizwelapili hahulu, kufitela bapalelwa kuziba za niti ni za buhata mwahala zona.

108 Litoloko ze li fela za buhata kuinahanela feela, mutu u ipulelela fela sika kakuli kona mwa ikutwela. Yeo ha ki yona toloko. Toloko; isiñi mutu ya yema ni kubulela ka malimi, yomuñwi ayeme mwa mizuzu nyana ni kutoloka sa bulezi yomuñwi. Mi alimuñwi ha bulela, yomuñwi usweli kutoloka ona fo, inza bulela linzwi ka linzwi, ku utwahala ka kuswana, lika kaufela ibe ze swana. Muuna *yo* wakona kupolofita, kono ha ki toloko. Babañwi ba bona, *yo* fa muhuwo wa mufuta wo, *yo* kwa mulaho kwani ufa mufuta usili. Mi babañwi ba bulela manzwi a lishumi, yomuñwi ubulela manzwi a mashumi aketalizoho mwa mulaho wa ona, kuli kona toloko yateni.

109 *Kutoloka* kutalusa “kubulela, linzwi-ka-linzwi.” Haiba ki Linzwi la Mulimu, lina ni kutaha, linzwi ka linzwi; mubamba fahalimwa mubamba, mubamba fahalimwa mubamba. Cwalo kona Linzwi mo lina ni kutela.

110 Kono ki sikamañi se luboni? Za buhata luli! Mi ba eza cwalo, ka mulao, kufita kuli ba pile ni Linzwi, ba beya zeo fafasi foo. Mutu a sa ezize fela cwalo, ba mu biza kuli ki wa Pentekota. Mi mwa ziba se si ezahala.

111 Mi muliko ha utaha, nako ya muliko, kipeto Peu ya kala, kubonisa kuli ki Peu ni se isi yona. Cwale, hakuna taba ka ze ne ezahalile, Abrahama aina ni Linzwi, yona sepišo.

112 Kono kacenu kopano haikoni kueza cwalo. Mi babañwi ba mina mizwale babande babali ba siemba sa likopano zani, ha mu sa lumelelani ni bona hañwi, mwa ziba ko mu liba. Ki babakai ba mina?

113 Hani buleli kuli, mwa muyaho wo cwale, kono ki babakai bababile mwa lituto zaka, ki babakai bababile ni na, kuli, “Muzwale Branham, lu ziba kuli yeo ki Niti. Kono haiba ba lu lelekisa kwanu, ki sikamañi se lu ka eza?”

114 Muzwale, lu ka eza sikamañi? Kumalela fa Kalvari, kumalela kwa sepiso, kumalela kwa sifapano, kupale kumane.

115 Mi ona mwani, bana ni baana babañwi babande. Mwabona? Kono se Ni lika kueza, ki kubulela, se si na ni ku palelwa. Kamita si palezwi mi si kana si palelwa kamita. Kono ki kuli, ukana wa palelwa kamba nee, ni Mulimu, buluka Linzwi la Mulimu ni sepiso ya Hae, pili. U ka likiwa ka Lona.

116 U ka nyatela mapampili, kuli ueze se kamba kueza *sani*. Nihaiaba kulwanisa Linzwi, u ka li nyatela. Yeo ki niti. Mwa pilu ya hao, u ziba kuli ku fosahalile. Leo kona Linzwi le lisisani le li bulela, lona Linzwi lani. Kona ha lu sa koni kuzwelapili, kakuli kuna ni se si ezahalile. U i kambusize kwa Linzwi lelisisani lani. U matezi fande kapili luli. Mulimu nasweli ku kubiza, kono wa mata kapili, kakuli mishika i lumile, mamonyi a monyehile, lilundu li zikinyehile.

117 Ne li si ka shenya Elia, mupolofita yani. Na bata Linzwi lani, pili. Ki hali, “Ni ka ina ona moo.”

118 Babañata hahulu kacenu, ba kalile kuya, lisebelezo za foliso, malikanyiso a butu, ni lika za mifuta kaufela, ni maikuto a sa fumanehi neba mwa Linzwi la Mulimu. Yeo ki niti. Ki sikamañi seo? Lu lukela kuopela pina yani, “Baba libelela ku Mulena. Tuhela ni i kokobeze muikuhumuso wa ka ni bize Libizo la Hao. Tuhela ni libelele, Mulena, kufitela Ni utwa Linzwi le lisisani lani.” Mi Linzwi lani ikaba Linzwi la Mañolo. Li ka bulela handende ka Linzwi. Amen. Ku lukile.

119 Afumana, Abrahama kasamulaho amano lelekiwa, ku bizezwa kwande, a kauhana kwa balatiwa ba hae, kwa lubasi lwa hae, kwa lapa la hae, kwa sicaba sa habo, kuliba kwa naha ya kwahule. Ka tumelo a eza cwalo. Mi, bakeñisa kuli naezize cwalo, Mulimu amufa mupato, kupaka na li mwana Mulimu, kuli na lumela ku Yena kakuli na lumela sepiso. Ibo, na si ka kona, na si ka libona ka butu, kono na bulela fela kuli, “Sika kaufela se si shutana ni Linzwi la Mulimu neli buhata.” Hakuna taba kamba bupaki bu cwani bo butile, bu sa li buhata.

120 Ni toile kubulela cwana, kono Ni ka ba ni kueza cwalo. Mutalime. Mi ha munga basali, Ni ka bulela cwalo ka nto iliñwi ye bonahala, baba kona kubona, baba ipapata kuba ni Moya o Kenile, mi asina buiswalo luli kuli a—a tuhele milili ya hae kuhula, kuna ni se si fosahalile kokuñwi. Musali ya ka apala

sapalo se si lukela kuba sa muuna, ni ku si tina, kanti Bibeले ibulela kuli, “Ki maswabisa ku—ku Mulimu, kuli musali atine sapalo se si lukela kuba sa muuna.” Mi kipeto u ipapata kuba ni Moya o Kenile unzo eza cwalo?

¹²¹ Ne ni bulezi ka zona zazi leliñwi mwa Oregon. Nekuna ni musali yana ni ñolezi liñolo lelituna. Ki hali, “Muzwale Branham, una ni bulumiwa bo bunde, kono kaniti wa businya.” Ki hali, “Cwale, kucwani ka . . .” Ali, “Ni tinanga ma obolosi nako kaufela.” Ali, “Kucwani he ha uya mwa simu ku yo nopa mwa—mwa simu, inge utinile ndelesi. Kana ha u nahani kuli nikona kubonahala hande mwa obolosi kufita kuba, kamba sikenelela, kamba ki sikamañi sani, mwa sibaka sa kutisa ndelesi?” Mi ali, “Talima, Ni yanga mwa malundu ni bashimani ha ba ya kwa kulisa likomu, mi,” ali, “Ni fitanga mwa bucwani mo kutezi minañi.” Ali, “Cwale, nali kutina—kutina ndelesi, minañi yakona ku ni lumaka. Kono mwa obolosi haikoni ku ni kataza.”

¹²² Se nili, “Zeo ha li shutani ni mulo o tatehilwe fa muluti wa kuhu ye bulailwe ki tala. Sishemo! Haina Linzwi li liliñwi la Mulimu ka zona. Wo kona muhupulo wa hao.”

¹²³ Mulimu naize, “Linzwi kaufela libe lishano, mi la Hae libe la niti.” Musala ka utinanga ndelesi. Wa i tinanga ni mwa simu. Haana butata ka zona. Mi, kube cwani kamba cwani, musali haana musebezi wa kufumaneha ni baana kwande kwani, inge alisa likomu, mane. U lukela kuba mwa situngu ko afumaneha. Yeo ki niti.

¹²⁴ Balika fela kufumana buinyazo, kono hakuna ni bobukana. Linzwi la Mulimu la iponahaza patalaza ni musali ya pepilwe ka Moya wa Mulimu. Mi muuna ya pepilwe ka Moya wa Mulimu hakoni kutuhelela musala hae kueza cwalo. Ki sikamañi sa Na bulezi? “Ya ka zwise, kukula milili ya hae, u shubula toho ya hae.” Mi muuna hae ki yena toho ya hae. Wa bu shwaula.

¹²⁵ Kihande ni kuze. Ku lukile. Cwale, mwabona, mwabona, zeo li likani. Mwa ziba ze Ni ambola.

¹²⁶ Hani buleli zeo ka pilu seta. Haiba Ni bulela cwalo ka pilu seta, Mulimu ani utwele butuku pilu yaka ya sibi; halubone ni tahe kwanu kwa katala, ni bake.

¹²⁷ Ni bulela cwalo kakuli, balikani, Na mi lata. Mi Ni lika ku mi bulelela niti, mi leo ki Linzwi la Mulimu. Lu lukela kuutwa Linzwi la Mulimu le li nyinyani lani, kuli likanyeza kwa Linzwi. Lu ya lufita mwa nako ya muliko. Haleluya!

¹²⁸ Kana mu lemuhile kuli kasamulaho wa kutaha kwa nako ya muliko yani, yona tuto ya mwana ya na pepezwi mwa lubasi lwa kopano yani? Ha na ka yemela tatubo ni kuina mwa tato ya ndatahe, mi mushimani yani na ngiwa ni kutinisiwa sapalo, mi kipeto ku ba mukiti o tomiwa. Mi mushimani yani na kenyiwa mwa lubasi mwa na pepezwi.

129 Kona se sili butata ni Mapentekota kacenu. Ba tulela fela *fa* ni *fani*, mi likopano za luna ne li ka ba hohela kwa neku *le* ni neku *lani*. Ha ba pili ni Linzwi.

130 Haiba ukona kuina ni Linzwi, konakuli Mulimu, ka kubona, “Ha muina ku Na, ni Manzwi a Ka aina ku mina,” a Hae, Hakoni ku Li latula. Ki Linzwi la Hae. Konakuli ku kaba nako, fokuñwi, ha mu ka ngiwa ni ku beiwa kwatuko, ni kufiwa sika sa niti, haleluya, mata a Mulimu Yamata kaufela.

131 Mane, Mulimu usweli kulibelega bana ba Hae, kono fela habana kuyema hande, ha ba ka fita kwa nako ya muliko yani. Kana mu ka li amuhela? “Kihande, keleke ika ni leleka.” Ku lukile. Ki fo he cwale. Konakuli, zamaya. Yeo ha ki Peu ya Abrahamama. Peu ya Abrahamama ha i ezi lika ze cwalo.

132 Peu ya Abrahamama! Cwale, Hanina taba ka ze ne taha ka kushutana ni Abrahamama, na pilile hande ni Linzwi la sepiso lani, na pilile fela hande ni lona. Hakuna taba kamba Sarah natile cwani, babañwi ba taha, basili baba shutana bataha, lika kaufela, a talima inge kuli ha li cwalo. A talima, na lumela kuli uka bona sepiso, kakuli Mulimu na mu sepisize yona, mi kona ze neli teni kuzona kihona. Neli Linzwi la Mulimu, le ne lipila kuyena.

133 Mi ki ha mufa tatubo ya mafelelezo yani. “Ni ka mufa habeli kwa siemba se, ni ku mulika.” Cwale, sa nani kale mwana. U bona kuli na nani yena. “Kono cwale Ni ka mu bulelela, ‘Kunga mwana yo ni ku mu bulaya.’ Mi atuhela mwana yani, ha bona . . . Kikuli uka bulaya mwana yani? Ni ka mu lika cwale.”

134 Abrahamama, wa niti kwa Linzwi! Cwani, ha u amuhela sepiso, u ka tuhela cwani taba yeo? Kana, kana uka eza cwani?

135 “Kana ukona ku kulubela cwani kuba ndatahe macaba, kono ki fa so li wa myaha ye mwanda ni ffitini ya kupepwa cwale? Abra- . . . Isaka yomunyinyani, wa myaha ye lishumi ka ye mine, lishumi ka ye ketalizoho ya kupepwa. Kana ukaba cwani ndatahe macaba kanti una ni myaha ye mwanda ni ye ffitini ya kupepwa? Ki yo fa mwana hao anosi, mi u sweli kusinya bupaki bwa hao bo nani.” Amen.

136 “Kana Ni ka kona cwani haiba Ni zwa mwa kopano yaka? Kana Ni ka eza cwani zeo haiba Ni eza *se*?” Oh, muteleeze kwa Linzwi lelisani lani mi mutahe kwa Linzwi, lona Linzwi.

137 U li, “Ni utwile linzwi le li ni bulelela *se*.” Haiba li shutana ni Linzwi, ne si Linzwi la Mulimu. Linzwi la Mulimu lithanga kwa Linzwi.

138 Mi Abrahamama a ya kwa Linzwi, mi niteni, Linzwi le lisanani la Mulimu, kwa Linzwi la Mulimu, lina ni kunga bupilo bwa mwana hae tota.

139 Ki hali, “Wisa lizoho la hao, Abrahamama. Ni ziba kuli wa Ni lata cwale. Ni bona kaufela mwa mulaho wa hao, haleluya,

kaufela ba bataha mwa mulaho wa hao, baba ka itakaleza kunga Linzwi la Ka, ikaba Peu ya hao, mi u ka koma munyako wa sila.”

140 Kambe Ne ni kaba ni nako ya ku mi bulelela nto yeñwi yene ezahalile mwa mazazi nyana a kwa mulaho, mwabona, ka sene si ezahalile. Oh, mawi!

141 “Uka koma munyako wa sila; Peu ya hao mwa mulaho wa hao. Abrahama, ya ku fuyola uka fuyolwa, mi ya ku kuta uka kutiwa.” Jesu naize, “Ki hande kuli licwe li tamelelwe mwa mulala wa hao, ni ku nepelwa mwa buliba bwa liwate.”

142 Mi likopano ze hana baana ba bulapeli bani, kakuli bangile mayemo a Niti, ili Linzwi, ni Moya ni mata a Mulimu, ni kupila ni Linzwi, mwa bona sene si ezahalile? Mu nwela mwa liwate la kulibala.

143 “Ki hande kuli licwe li tamelelwe mwa mulala wa hao, mi u nepelwe mwa buliba bwa liwate, kufita kufilikanya yomunyinyani wa ba batozizwe Baa.” Ki sikamañi seo? Peu ya Abrahama ipila ni Linzwi la sepiso.

144 Zeñwi za likeleke zaluna lisweli kufita fa sibaka fo lisweli kulatula. Ba latula foliso ya Bumulimu. Ha ba tabeli zeo mwa keleke yabona nihanyinyani. Yeo ki niti. Likopano za luna za Pentekota ha li lati foliso ya Bumulimu ni hanyinyani. Ki sikamañi seo? Kikuli hamuboni diabulosi mwa belekela? Ufitile mwani ni kubulela lika za buhata ze cwale ka zeo. Mi ki baana fela ba ngana ya butu baba nahana kuli ki ba moya, mi amutalime ku zeo, ni kubulela kuli, “Mutalime ku *yani*. Mutalime ku *yani*.” Ha ni talimi ku sani.

145 Haiba u Peu ya Abrahama, u ka talimela fa sepiso ya Mulimu, sa na bulezi Mulimu kueza ka sona. Kona cwalo. Peu ya Abrahama, lu talimela fa sepiso. Hanina taba kamba ki babakai baba wela neku *le* mi ki babakai baba wela neku *lani*. Sepiso i siyala ili ya niti.

146 Mu lukela kutaha ka litatubo zeo. Mwabona? Eeni. Abrahama, pili a likiwa, mi hape ni kuswaiwa, mi ni kufiwa sepiso yakuli “Peu ya hae ilukela kukoma munyako wa sila.” Na lata cwalo. Mi, ba koma minyako ya sila sa bona kasamulaho wa ku likiwa.

147 Taba yateni ki kuli, halukoni kuyemela muliko. Ki kabakaleo likopano za luna ha li sa koni kuyemela muliko. Ha ki tato ya Mulimu. Ki, Mulimu u li fuyozi, kono ha ki tato ya Mulimu. Kakuli, mwabona, muna ni sikwata kaufela sa baana mo ni sikwata kaufela sa milelo, mi ba ba hohela hamoho ni kutaha ni zende ze ba kona. Babañwi ba bona bali, “Yo ki muuna yomutuna. Hamukoni kulatula linzwi la hae.” Kihande, ki nzila yeswana yeo keleke ya Katolika i ongaongezwi, nto yeswana, kutiyela fa sikwata sa balumeli ba bunangu feela. Baituti ba bunangu, ba litalimela, ba itwaeza lona mwa linako. Haukoni

kueza cwalo. Lika zeñwi kaufela ki za buhata kwanda Linzwi la Mulimu.

148 Abrahamana na si ka talima fa sika kaufela kwanda sepiso ya Mulimu. Hakuna taba kamba ne li sikamañi, aina ni sepiso ya Mulimu.

149 Mi kona libaka ha lu sa fumani babañata. Kopano haikoni ku koma munyako wa sila. Kuna ni minahano yemiñata hahulu ye miñata mwahali mwani.

150 Sina ni kulwala mutu alimuñwi, ya koma munyako wa sila. Wakona kueza cwalo haiba ulata. Eeni, sha.

151 Ha lu likeni, ka mizuzu yelikani, lubone haiba ba pila mwa Mañolo.

152 Cwale, nekuna ni nako kwani kwa Babilona ha ne kuna ni—ni siswaniso sene si pahekilwe, ki mufuta omunde wa keleke ya Katolika, mi kaufela babane ba si ka kubama ku kubamela sibupiwa ne ba ka cisiwa mwa mulilo o buhali. Cwale, ne li kangisano, haiba ne ba ka itulela, fani Mulimu ha na ize, “Usike wa ba ni milimu isili fa pila Ka, kamba ku ikezeza siswaniso sa sika kaufela.” Sani kona sa na bulezi Mulimu. Kangisano ya taha.

153 Ma Isilaele kaufela bona ba wa. Mi cwale tolombita ha ilila, mi ba—mi ni pala ha ilila, ni—ni kambuli ha ka liziwa, kiñi, kaufela bona ba wa fafasi fapila siswaniso se.

154 Kono nekuna ni babalalu ba bona bene bali, “Hakuna se lu ka eza.” Neba utwile Linzwi le lisisani lani, mi baina mwa sikuka ni Linzwi. Ki sikamañi sene ba ezize? Ba pila ni Linzwi.

155 Mi kasamulaho, ba—ba—ba li, “Ha mu sa ezi cwalo. . . Lu ka kufa kolo yeñwi, kamba lu ka mi nepela mwa mulilo o sabisa.”

156 Bali, “Mulimu wa luna wakona ku lu lamulela kwa mulilo o sabisa woo.” [Hakuna manzwi fa tepu—Mu.] “Kono, nihakulicwalo, lu ka ina ni Linzwi.”

157 Cwale, muzwale, kucwani ka wena? “Ki sikamañi se Ni ka eza, Muzwale Branham?” Pila ni Linzwi. Pila ni sepiso. “Keleke ya hesu kaufela i ka ni siya.” Mupile ni sepiso. Bana ni kufela, ku ya fela kusili zazi leliñwi, mane. Kono, Mulimu haana kueza cwalo. Pila ni sepiso. “Kihande, Na ku bulelela, ba ka ni lahela kwande.” Aku pile ni sepiso, ka kuswana fela. U pile hande ni sepiso. Cwale, haiba ukona kuina ni sepiso ni kuina fani, uine ni bona ona foo.

158 Utwana ni mañi ni mañi. Kono cwale fa, cwale, hamuna ku koma ka nzila ifi kaufela kwanda ku kopana ni mutu kaufela. Una ni kueza cwalo. Cwale, ha se ba fitile fo ku maswe hahulu, ka butanya, kipeto mube kwahule ni zona. Yeo ki niti. Usike wa taha mwa nzila ya sila. Kono haibile fela ulika kuwina muzwale wa hao, fo kwa shutana. Mwabona?

¹⁵⁹ Cwale mutalime. Kono hamuna ku wina muhupulo wa kopano, mutu alimuñwi. Batili, sha. Mi, ha ba lukisa mulao hande, “Luna lu lumela se, kipeto!” Ha mu ñola tuto yamina cwana, “Luna lu lumela se,” felwani, ikona kuba shutano. Kuto italusa kuli, “Lu lumela se, mi muna ni kutaha ku se ni kunyatela pampili ye, kamba kufelega ona foo.”

¹⁶⁰ Kono ha mubulela kuli, “Luna lu lumela se,” felwani, “kubeya kwateni ni ze lukona kuituta ku Mulimu. Lu kwaluhezi kwa Moya o Kenile,” kipeto wa zwelapili, muzwale. Eeni. Zeo li ka shutana cwale.

¹⁶¹ Kono, mwa bona, haiba una ni zona li ñozwi ka kuto, mi Mulimu ufa nto yeñwi ye taha, ye bonisa kuba Linzwi la Hae, yona Niti, haukoni ku shenya, kakuli ki “kuto.” Ao kona mafelelezo. Foo kona fo ne bashwezi ma Lutheran. Kona fo ne ba shwezi ba Methodist. Kona fo ne ba shwezi ba Baptist. Fani kona fo ne ba shwezi ba Presbyterian. Mi fani kona fo ba shwela ba Pentekota. Yeo ki niti. Yeo ki niti. Ba shwela ona foo, amutalime fela, kakuli li—li ñozwi kale. Hakuna se mu—mu kona ku ekeza kwateni kamba kuzusa kwateni. Li—li teni. Yeo kona tuto ya mina.

¹⁶² Lutheran na si ka amuhela kukeniswa. Batili, sha. Na bulezi kale kuli, “Baba lukile ba ka pila ka tumelo.” Isiñi Martin Luther; kono sikwata sani sene si mu latelezi. Yani ki niti.

¹⁶³ Isiñi John Wesley; kono sikwata sene si mu latelezi. Yeo ki niti.

Isiñi Kalvini; kono sikwata sene si mu latelezi.

¹⁶⁴ Isiñi John Smith wa keleke ya Baptist, yana lapela katata hahulu, ka nako ya busihu, kufitela meeto a hae a luluha, kulapelela keleke ya hae; kufitela musala hae na mu isa kwa tafule, ku yo mu cisa ka lushwana. Isiñi yena; kono sikwata sa ba Baptist se si mu latelela se, kopano ye ne tile mwa mulaho wa hae.

Isiñi Alexander Campbell; kono bani bene ba mu latelezi.

¹⁶⁵ Isiñi muzamao wa pentekota kwa simuluho, yana nani lika kaufela ka kuswana, ni kuba mwa kopano ni mutu kaufela; kono likwata ze ne tile mi zali, “Batili. Luna lu se, mi lu se. Mi ze kona litaba, ni sani ki sa kuli!” (“Ku ikaba ili bona, ku bonahala kuli habana Tumelo.”) Luli. Sani kona sene si ezahalile. Ki yeo nto yemaswe. Amen. Ni ikutwa bulapeli, kakusasana cwana.

¹⁶⁶ Bana ba Siheberu, kasamulaho bamano yemela muliko, kamba ne ba ka pilela Linzwi la sepišo, kamba nee, ne ba beilwe fa muliko. Mi ki sikamañi sene ba ezize? Ba koma munyako wa sila. Amen. Kiñi? Ne ba pilile mwa Linzwi.

Mupile ni Linzwi, lona Linzwi la Mulimu le li bulela ku mina.

167 Cwale, libaka kaufela ne li bulezi kuli, “Cwale, mutalime. Babilona, haikoni kuba ye shutana. Kakuli, luna, ha lu kubama fapila siswaniso se, lu lapela Mulimu, nihakuli cwalo. Kihande, haiba lueza ka nzila *ye*, lu talusa ka nzila *ye*.”

Eza ka nzila yana bulezi Mulimu.

168 Kucwani haiba Mulimu naize, “Mushe, tubula likatulo za hao, Mushe. U inzi mwa mubu o kenile.”

169 Yena uli, “Ni Itumezi, Mulena. Na lumela luli ku Wena. Ni ka tubula fela kuwani yaka, kihona. Kwa katalisa kutumulula kwele ya likatulo za ka.” Uh-huh. Huh! Ne li si ke za beleka.

Nabulezi kuli, “Makatulo.” Na si ka bulela kuli “kuwani.” Kiniti.

170 Mu lukela kutaha, mubamba ka mubamba, sa bulela Mulimu, ni kuyema hande ka Linzwi la Hae.

171 Cwale, kasamulaho bamano ba ni muliko, ba koma munyako wa sila sa mulilo. Ba fumana kuli, ha ne baile kwa mafelelezo, kupila ka Linzwi la Mulimu, ba koma munyako. Yeo ki niti. Kasamulaho . . .

172 Daniele. Nekuna ni zibiso yene bulezwi, mi yene ñozwi ki ba Mede-o-Persia, yene si ke ku cinciwa, kuli, “Haiba kuna ni ya lapela ku mulimu usili kaufela, yo anepelwe mwa musima wa litau.” Mi Daniele na ziba kuli Linzwi la Mulimu neli, ku lapela ku Yena fela, kacwalo a kwalula fela mahaulo ni kulapela nihakuli cwalo. Cwale, na si ka kutela mwa lilulu. Na kwaluzi mahaulo a talimile kwa tempele. Na si ka li swabela.

173 Mi halu lati kueza za bulapeli bwaluna la Sunda feela, mi la Mubulo lueza lika lisili feela. Kamba, kulumela mwa pilu yaluna nto isili, ha lutaha fapila mutu usili mi luli, “Kihande, Ha ni zibi. Ehe, Ni sepa ubulela niti.” Ube seo muli sona. Ha u cwalo, uzwe fa katala, uzwe mwa keleke. Yeo ki niti. Kakuli, una ni kuikalabela ku zona zepeli. Pila ka mo inezi. Bulela so lumela, kona kuli hakuna zo ka lukela kuikalalwa. U yemi fela hande ka ze li za niti. Mutu kaufela uziba mibala ya hao. Batu ba ka itumela ku wena, mutu kaufela.

174 Musali wakona kuba ya maswe mwa mikwa kaufela ya kwande. Ukona kuba yomutuna, yomukima, yomunyinyani, yomusisani, wa milili yeminsu, meto a mafubelu, meto a mubala wa bundilu, meto a maseta; leliñi litalimezi kafa leliñwi kafani, a mulenga. Kono haiba musali yani u kenile, kalibe, hakuna muuna mwa naha kono kaufela uka mufa likute ka kutubula kuwani ya hae ku yena, una ni mata a muuna ku yena. Kiniti. Kakuli, musali—musali ubonahalisa sa li sona, mi baana baitumela ka sona.

175 Ni Mulimu uka itumela ku muuna ya li ka mwainezi, kamba baana baba bulela Bukreste. Ha lubeni Bakreste, babatezi Moya o Kenile, ka Linzwi la Mulimu, kusi cwalo ha lu libaleni kaufela.

Kiniti. Kakuli, ka manzwi amañwi, ukaba muipi, ni kupila bupilo bo bushutani. Mi sicaba sa ku bona ha u matela kwa kubina, ni kuzuba, ni lika ze cwalo, ni kuipapata kuba Mukreste, mi, mwabona, ubeya sitataliso mwa nzila ya babañwi.

¹⁷⁶ Mwabona mina basali, fokuñwi, mo ba pumela milili ya bona ni kutina ni kuikapeleza mwa lindelesi ze nyinyani za kale ze, kubonahala inge kakapi ka soseji kamba nto yeñwi, ni kuzwela fande kukena mwa mukwakwa, kuzamaya kwa ni kwa, masito a makatulo amatelele *cwana*, inge a minyauka mwa mukwakwa. Kana kona bupentekota bwani nji? Mi ba—ba likeleke zeñwi bali, “Ba ipapata kuli bana ni sesiñwi se ba sina.”

¹⁷⁷ U swailwe ni kufiwa nombolo ka Moya o Kenile. Ha u yo mwa muyaho wa kubina busihu boo ni ku kumbatelana mwa mazoho a muuna, ya si muuna hao; busihu bo butatama, ni kukutela kwa keleke ni kubina mwa sibaka kaufela. Bwani ha ki bupentekota. Bwani ki buipi. Ani ki masila.

¹⁷⁸ Ha ni buleli litaba ze ku mina. Kono, mu zibe kuli, matepu apangiwa kwanu aya lifasi kaufela, kacwalo Ni li kutaza fela inge ki kwa lifasi kaufela. Ha Ni ikutwa kuli Mulimu ubulela uli, “Bulela sesiñwi,” Na si bulela fela, kakuli ha ni zibi ko si ya. Zeo liitingile ku Yena ku li tokomela. Mupile feela ni Linzwi. Yeo kona niti. Ku lukile.

¹⁷⁹ Batili, Daniele na si ka kubamela zibiso ya bona, kamba na lelekezwi kwande a kopano kamba nee. Na inzi hande fa lihaulo, mi aina ni Linzwi la Mulimu. Na si ka Li swabela.

¹⁸⁰ Ki sikamañi sene si ezahalile? Ba to mu nepela mwa musima wa litau, kono a koma minyako ya litau. Kiñi? Kanya! Kakuli Mulimu na bulezi kuli za hae. . . “Peu ya hao ika koma munyako wa sila.” Kamba sila ki sikamañi, una ni munyako. Oh, ki linako zekai ze lukona ku. . . ?

¹⁸¹ Mutalime ku Mushe, ha na latelela mukoloko wa litaelo za Mulimu, aya kwa Egepita, ne kubonahala inge kuli kaufela ne li shutana. Nana ni balikanyisi bene baile ni yena. Na ile ni lisupo zeñwi za—za lisupo, kubonisa kuli na lumilwe. A nepela noha fafasi, ni zeñwi ze cwalo.

¹⁸² Mi ki bao balikanyisi ba taha mwa mulaho, ba wiseza zabona fafasi. Ki sikamañi sa na ka eza? Hakuna. Mulimu na si ka mu bulelela kuli ne ba ka eza cwalo. Na bata kutatuba Mushe. Na li Yena ya Na lumelize Janise ni Jambresi kuli ba nepele linoha zabona, kamba milamu yabona.

¹⁸³ Kacwalo neku yemi Mushe mwa sibaka sa musebezi. A nepela mulamu wa hae fafasi. Wa fetuha noha. Ki hali, “Talima ki fo, Faro. Sani kona sa na ni bulelezi Mulena kuli ni tahele kwanu, ni eze fapila hao.”

184 Faro ali, “Mu tahe kwanu, Jambresi ni Janise.” Ba yumbela milamu ya bona fafasi. Ya fetuha linoha, ki sikamañi sa na ezize Mushe.

185 Sifateho sa hae ne si fubezi nji? Batili, sha. Na sa lumela kuli ki Mulimu ya na mu lumile. Na pilile ni sepiso yani. Mi ki sikamañi sene si ezahalile?

186 Foo kona hauli fapila mikopano ya hao yemiñwi. Sifateho sa hao sakona ku fubela, hanyinyani. Upile ni Linzwi.

187 Ki sikamañi sene si ezahalile? Ona fani fela, ona mbumbe tuna ya Mushe ye ya taha mi ya li mizeleza zeñwi. Mulimu na pakile. Kasamulaho wa muliko wa hae, ki hali, “Ni bata kuli wena, ka sisupo se, kuli bana bani bazwe balukuluhe. Ni bata kuli u ba lume bakutele kwa mahae, kubona. Mulimu ataha fa ku to bulela, u ni lumile kwanu ku to ba lamulela. Ni bata kuli bakute.” A u nepela fafasi fani.

188 Oh, muliko wa taha. Mushe, u ka eza sikamañi, sikuluha ufetuhe, zwa kwateni ikele, kuli, “Kihande, Na mwendi Ni fosize?” Batili, sha.

Mushe ayema ona fani, “Mulimu a lumeleza se.” Kanya!

189 Mulimu ha bulela sika, ina ni Sona. Hakuna taba ka se si ezahala, ina ni Sona. Ha ba ku leleka ni kubulela kuli, “Haluna ku kutwana ni wena, haluna kueza se,” ina ni Lona.

190 Mushe aina hande ni lona. Ki sikamañi sene si ezahalile? Na komile munyako wa sila sa hae. Haleluya. Diabulosi ali, “Ni ka otolola Liwate le li Shwile fapila mina,” kono la kwaluha. Ne ba si ka ba buluka mwa Egepita ni hanyinyani. Na komile munyako wa sila. Kiñi? Kakuli na pilile ni tumo yana mu file Mulimu. Litaelo za Mulimu, na pilile ni Linzwi la Mulimu mi a koma minyako ya sila.

191 Joshua, kasamulaho amano kena mwa muliko. Na sa bile kwani, mi mane, ni kusilela mwabuse bwa Jordani, yena ni Kalebu, ni matwela. Ha na ilo kuta kwa Jordan, ba funduka kuliba kwa Kardesh-Barnea. Mi kaufela bona bali, “Oh, haiba lu funduka, li ka kauhanya likopano zaluna mwa liembaemba. Halukoni fela kuya.”

192 Moya wani ha u shwi. “Oh, halukoni kuba ni Sani. Haiba lu luta Sani kwa sicaba sa luna, ki sikamañi se luka eza? Neluka zwisa fela licika la madikoni, mwa keleke, kuzwa. Ba se banyezi habeli, halalu. Ki sikamañi se lu la eza? Luna, kupalañi, haiba lu bulelela bahame ba luna kuba ni milili yemitelele, mwa ziba ze ba ka eza? Bakona kuzwa mwa keleke. Mi ki sikamañi selukona kueza? Kiñi, lukona kutalimwa kuli lu sialezi.” Jesu neli ya sialezi, niyena. “Halukoni kueza cwalo. Halukoni kueza cwalo. Ki zeñata hahulu ku luna.”

193 Mwa ziba mulumeli wa sihalihali fa fitanga. Maheberu, kauhanyo ya 6, ya tatulula seo. “Yena ya kile a bonisezwa liseli

pili, ni kuezwa u ezizwe muca sanda sa Moya o Kenile, yena yoo ha ka wa, kutata mu ncafaza hape.” Ataha ku wa sihalihali yani mi ahana kusila, kona cwalo, ahana kulumela kufelelela.

¹⁹⁴ Kakuli, ki sikamañi sa na ezize Kalebu? Ki sikamañi sa na ezize Joshua? Na ize, “Luna ni mata mane lwakona ku i hapa.” Kiñi? Neba pilile ni sa na sepisize Mulimu.

¹⁹⁵ Kiñi, neba ize, babañwi bani neba ize, “Kihande, ki mangangalume. Ba na ni limota kaufela. Ba *cwana*. Kiñi, lu palezwi ku ba swala, hakuna mukwa mane.”

¹⁹⁶ Joshua ali, “Luna ni mata amatuna mane lwakona. Amukuze, mina sicaba! Lilata mukuze! Amuine fafasi!” Amen.

¹⁹⁷ Na mi bulelela, tumelo i mwa sika sesituna luli, ha litaha kwa Linzwi la Mulimu. Ha i sabi fo cwale. Tumelo ina ni bwambo fa sifuba, mata amatuna. I bulela kuli, “Mu kuze!” Lika zeñwi kaufela zaunda mwa lilulu, yeo ki niti, haiba Mulimu wa bulela. “Ha muina ku Na, ni Manzwi a Ka aina ku mina, mubulele se mu lata.” Ki fo he cwale. Oh, Na lata cwalo. Hum!

Mioya ye maswe ika ngangama, mi baezalibi ba zuhe;

Tumelo ku Jehova ika nyunga sika kaufela.

¹⁹⁸ Kana ukona cwani kuba ni tumelo kanti uziba kuli ha u beleki, ku zamaya mwa Linzwi la Hae, ha u ziba kuli kuna ni lika zo swanela kubulela kono ha u li buleli? Kuna ni lika zo swanela kuluta kono ha u li luti. Kuna ni lika zo sa koni kubulela, mi ukona cwani kuba ni tumelo ha u ziba kuli u mwa mafosisa?

¹⁹⁹ “Haiba pilu zaluna za lunyaza.” Kifo he cwale. Ki fo he cwale. Kono upile ka Linzwi lani, ko kusina se si nyazahala. “Hakuna katulo ku babali ku Krete Jesu, ba ba sa zamayi ka nama kono ka Moya.” Moya busa ka kuzamaelela ni Linzwi, kakuli Moya ukona fela kutaha ka Linzwi, kakuli Linzwi la Hae ki Moya. Mi Ukona fela. . . Moya wa luli wa niti wa Mulimu ukona fela kubulela Linzwi la Mulimu. Oh, mawi! Mawi, mawi!

Zwa fa, lifasi. Satani, lu siye.

²⁰⁰ Usike wa saba ku bulelela lilundu leo kuli, “Shenya.” Bulela cwalo. Ina ona foo, umubone ha wa. Yeo ki niti.

²⁰¹ Kono ha una ni kunyaziwa kaufela mwahali mwani, kihande—kihande uine ukuzize. Usweli fela kutoliya lilata foo. Ha u buleli niti. Ha u buleli lika zo lukela kubulela. Ku lukile.

²⁰² Lu fumana cwale kuli Joshua, amano fita mwa muliko, a bona bupaki bwa naha yende, mi ayema fani fa Kadesh-Barnea ni kutoongoka ka bona kaufela, mi ali, “Luna ni mata mane lwakona kuihapa. Lwakona ku i hapa.” Mulelo neli ufi? Kusilela mwabuse.

²⁰³ Muhupulo wa Mushe neli sikamañi? “Bonisa sisupo se ni kutisa bana ba lukuluhe.” Mi kwa bonahala kuli ne ku palile.

Kono apila ni Linziw, mi munyako wa Liwate Lelishwile wa tokwa ku ba swala. Akena kufita kuzona. A koma munyako wa sila.

²⁰⁴ Joshua, inza talimezi fa sepiso ya Mulimu, ali, “Luna ni mata ni kufita lu yo i hapa.” Yeo ki niti. Ha to fita fa Jordani, ki sikamañi sa na ezize? Ya to kwaluha. Amen. Kona cwalo. A koma munyako wa sila. O Jordani ne i mu tibela kwa ku silela mwabuse ni ku luwa sepiso yani. Kono ha yo fita kwani, nali Peu ya Abrahamama. Kiñi? Na lumezi Linzwi la Mulimu. Yeo kona nzila fela inosi yeo mukona kuba Peu ya Abrahamama kayona, ki kulumela Linzwi la Mulimu. Mi cwale ki sikamañi sa na ezize ha taha fa na itukisize kuli ahape sila? Mulimu a kwalula munyako, mi a u koma, a u hapa, a silela mwabuse.

²⁰⁵ Ndwa yapili, kangisano ya hae yapili ya nabile ni yona, mamota neli amatuna luli kuli ne ba kona kumatela fateni takano ya likoloi fahalimu. Na ka ba hapa cwani? Ba mata ku mu siya, bakena mwahali. Sila uka eza cwalo, niyena. “Kono u ka koma munyako wa sila.”

²⁰⁶ Ali, “Mulena, kisikamañi se Ni swanela kueza?” A zamaya kwa ni kwa, musihali ulimuñwi, inza kengeyela. A bona Muuna inge ayemi ni mukwale wa Hae u comozwi. Joshua a comola mukwale wa hae, ali, “Kikuli U kwa siemba saluna? Kana U kwa neku la sila nji?”

Ki hali, “Kina Kapitao wa mpi yee.”

“Ki sikamañi se Ni lukela kueza?”

²⁰⁷ “Amu potolohe, linako ze setini. Mulize tolombita. Mu ka koma munyako wa sila.”

²⁰⁸ Ki haiwa fafasi. Eni, sha. Kiñi? Na li Peu ya Abrahamama, yene buluka Linzwi la Mulimu. Na ngile munyako kaufela o tile ku yena. Kiniti.

Se li busihu. Ni lukela kutuhela.

²⁰⁹ Mutalime, bahali babande ba kaufela, ba na ni likepe le li ñozwi fa. Kono ona bahali babande ba kaufela, lika ze ne ba ezize, mafelelezo ba shwa.

²¹⁰ Kono cwale kwa taha Peu ya luli ya tumelo, yona Peu ya Bulena Abrahamama, Jesu, wa sepiso. Abrahamama nana ni Isaka, niti, kuya ka nama, kono Peu ya niti ne i si mwa mulaho o ongaongilwe wani. Ne ili mwa sepiso ya Linzwi la Mulimu yani, ya kuli Na ka mu eza kuba ndatahe macaba, isiñi ka Isaka, kono ka Peu ya Silena, Jesu. Yani neli Peu ya Silena, yeo mane, neli Peu ya Abrahamama, Jesu, na si Mujuda, kamba kuli Abe wa Bamacaba. Na li Mulimu. Mwabona? Ki . . .

²¹¹ Mina Makatolika mo, ifuyolwe pilu ya mina. Kono ha mu lapela Maria kuba mulimu wa musali, ki butata mañi bo buli ni mina, kanti? Maria na si nto isili kwanda kuba musali. Mulimu na mu ketile. Nali fela sibulukelo sa kufutumalisa. Ku felile.

Sifutumaliso, kona seo musali ali sona, kono u tamahani ni peu ya muuna.

²¹² Kono, ki sikwata se si kopani-kopani, kono Ni lukela kubulela se kuli mu utwisise se Ni ambola fateni. Cwale, muteeleze ku—ku dokota wa mina, mi Na muzwale wa mina. Luli, mwa kona.

²¹³ Maria nasina mununo ku Kreste. Nekusina maikuto a foso fani Moya o Kenile ha u mu kwahela, kutokwa neba hanyinyani. Kono Mulimu Yamata kaufela, yena Mubupi, ki yana bupile selu ya Mali ni mununo. Hum! Haiba neli mununo o no zwile ku Maria, kona kuli bafu ha ba si ka zuha.

Kanya! Seo sitile fela ona fa. Ni si sweli fela ona fa.

²¹⁴ Mi haiba mu bulela kuli hakuna shutano, se lueza, konakuli ki kabakalañi Mulimu hana lu bulelezi ku ikambusa kwa lika ze fosahalile? Ki kabakalañi Mulimu hana zusize mubili wa Jesu, haiba ha ku cwalo? Kacwalo, mwa bona, nekusike kwaba musali yana ka tamahana ku zona. Haiba nekuna ni ze cwalo, konakuli mubili wa Hae no swana mahe, Maria, kakuli nabile ni foso ka kuapeswa ki moya o no mu konisize ku—ku zwisa mata a busali, mi zeo ha li konahali kanti. Moya o Kenile, ka kuitwala kusina foso, haleluya, kwani A bupa mata a buuna a muuna ni a musali.

²¹⁵ Kana Jesu akile a mu biza fateni kuli “ima”? Amu fumane zeo mwa Mañolo. Na mu biza kuli “musali.” Haleluya! Musali! (Zeo ki zenca. Kona libaka ha li ezahala ka mo li ezahalela.) “Musali, tokomela mwana hao.” Limaili ze milioni bukaufi kufita mwa na bezi Yena.

²¹⁶ Na li Mulimu. Na si Mujuda kamba wa Macaba. Na li Mulimu, bubeli bwa nama ni mubili, Mulimu na pila ku Yena. Mulimu aka pila mwa mata a busali? Zeo halikoni kuezahala. Ona mata a buuna ani a musali nana ni kuba ni sa kueza ni nama ya luna. Kono neli Mali hamoho ni mata a buuna, ao Mulimu na apesize.

²¹⁷ Na ka a beya fa lisina la kota haiba Na ka bata kueza cwalo. Eeni, sha. Na ka li beya kaufela fa Na ka bata.

²¹⁸ Kono Na li tisize kakuli musali na sa keni mwa foso ya kuwa. Kwa to pepwa Mwana ya tahile ka kukena wa Mulimu yapila, ya bupilwe, ya pepilwe ki mwalanjo, bubeli bwa mubili ni moyo.

²¹⁹ Ki kabakalañi Davida hana bulezi kuli, “Ha nina kubona Ya Kenile wa Ka . . . kutuhela Ya Kenile wa Ka abone kubola, Ya Kenile wa Ka wa abone kubola. Kamba nihaiba kuli Ni siye moyo wa Hae mwa lihele”? Davida na bulezi cwalo. Mwabona? Kamukana moyo, mubili, ni moya, ne li bupilwe ki Mulimu, ka Yena.

²²⁰ Musali na si me. Neli musali. Ni lumela kuli nali yomunde, musali ya kenile. Kiniti. Na si ka ba kale sifutumaliso. Mulimu na si ke kuketa sifutumaliso sa masila. Mulena ha lata, Ni ka

kutaza ka zona busihu boo, kono, “Sifutumaliso sa kale sa masila kinto mañi?” Kutisa Mwana Hae, kuli apepe Mwana Hae mwa lifasi, A keta “mwalyanjo kusina ku ziba muuna.” Kamba mane nasina neba mata a buuna ni a makana ana zwile kamba kaufela nako yeo Moya o Kenile ha u mu apesa. Kakuli, Mulimu, mwa ku sa palelwa kwa Hae ko ku kenile, abupa ku yena: moyo, mubili, ni moya, wa Jesu Kreste. Yeo ki niti. Nali Mwana wa Mulimu ya pepilwe ki mwalanjo.

221 Ne si ezize sikamañi sani? Sa loba sinya munyako wa sila. Haleluya! Whew! Se li utwahala hande, ku na. Mutalime. Kiñi? Na sinyize munyako wa sila ona fani, kakuli mutu kaufela na pepilwe mwa lifasi mo ka takazo ya foso, zeo ne li si ke za kena Lihalimu kakuli foso kona ye ne kalile kwa simuluho, mwa simu ya Edeni, kiñi ne ba ti lo ikapesa. Mi ha Ha to eza cwalo, A kauhanya sani mwa liemba zepeli ona fani, ni kukoma munyako wa sila. Ka sikamañi? Ka kunga Peu ya Bulena ya Abrahamama, ka nako yapili kuli, ni ku i nata fafasi. Peu ya Silena ya tumelo ni sepiso, isiñi muhupulo wa Maria, kono wa Mulimu, wa loba minyako. Fo kikuli, za fa mutu tukelo ya kufita mwa munyako. Kanya ku Mulimu!

222 Kisikamañi sa Na ezize? Mi ki ha hapa minyako kaufela ya sila. A hapa munyako wa matuku. Makulano na sa ini Fapila Hae. Batili, sha. Kamba mane hakuna se si kona kubateñi Fapila Hae. Maswabi hakoni kuyema Fapila Hae. Batili. Ki sikamañi sa Na ezize?

223 Joshua a shwa. Mushe a shwa. Babañwi kaufela ba shwa, kono isiñi Peu ya Silena. Lifu ne li si ka yema fo ne kuna ni Bupilo.

224 Musali yani ya zwa kwa Naini, ataha ni mushimani wa hae. Ayema mi ali, “Zuha, mwana.”

225 Musizana yani yana shwile, mwana musizana wa Jairusi, Abulea linzwi a sali kwahule kafoo ko ku sa zibahali, mi ali, “Musizana, zuha.”

226 Lazaro, na shwile mazazi amane mi mubili wa hae wa bola, mi moyo wa hae u zwile ku ona, ka mazazi amane. Ki hali, “Lazaro, zwa mo.” Kanya!

227 Ki Yani fani. Ki sikamañi sa Na ezize? A kumula liswayo la lika kaufela. Haleluya!

228 Fani ha Na shwile, Apalelwa kuswala bupilo bwani. Na si ka shwa, kono Na file bupilo bwani. Mi cwale ha Na file bupilo bwani, A shwa lifu. Mi moyo wa Hae omunde, sina Bibehe ha i bulela, wa shetumukela mwa lihele, ku to nga sibaka saka ni sibaka sa hao. Peu ya Silena ya Abrahamama! Sikamañi? Nali yena Peu ya Silena. Oh, kanya!

229 Cwale luna lu Peu ya Silena, sikamañi, ye pila ni Linzwi, ona cwalo fea sina mwa Na inezi. “Kakuli kwa simuluho nekuna ni

Linzwi, mi Linzwi nali ku Mulimu; mi Linzwi, a ezwa nama, mi a to yaha ku luna.” Kana hamuboni Peu ya Silena fo i iinzi? Peu ya Silena kona ye pila ni Linzwi yani.

²³⁰ Wena ya fokola ya itakaleza ku keshebisa ni diabolosi, ka mikwa ya hae ya lifasi. (Ha ni buleli mina mo.) Kwande koo, mina bakutazi baba ziba kuli mu kutaza kuli mazazi a limakazo a felile, ha mu kutaza kuli hakuna sika se si cwalo kuli kolobezo ya Moya o Kenile, mu no swaba wena, mi uipiza kuli u Peu ya Abrahamama.

²³¹ Peu ya Silena ipila ni Linzwi. Peu ya Silena, ye si ka pepwa ki mutu, haina sa kueza ni muuna kamba musali. Musali ki keleke; haina sa kueza ni keleke. Maria na si ka sa kueza ni Peu. Mane nahaiba yona keleke, ye bizwa kuli kopano, haina sa kueza ni Peu. I pepilwe ki sikamañi? isiñi ka kopano, isiñi Methodist, Baptist, Presbyterian, Katolika, Lutheran, ni zeñwi cwalo.

²³² Kono, ye pepilwe ka Peu ya Silena ya sepiso ya Mulimu, yani kona ye koma munyako wa sila. Se li ngezwi kale ku yena. “Kakuli ha muina ku Na, mi Manzwi aka aina ku mina, mukupe se mu lata, mu ka si ezezwa.” Ki fo he cwale. Ki sepiso. I ezizwe kale.

²³³ Moyo wa hae omunde wa shetumukela mwa lihele, ko ne Ni lukela kuya. Kono ka lizazi la bulalu lani. . . Samsoni a hapa sikwalo sa munzi a si lwezi kwa mukokoto, na sina za kueza ni sona. A hapa minyako ya lihele, minyako ya libita, ni zeñwi kaufela. Na si ka li lwala fa lilundu, kono Na li sinyize. Haleluya! Na komile munyako wa sila.

²³⁴ Buino bo ne bubile teñi ne butezi mata a diabolosi, fahalimu, kuli Mangeloi kamba mane hakuna ya na kona kutaha fafasi. Nekusike kwa ba muyemeli wa milapelo, kakuli mali a lipuli na sa takuli sibi. Kono Mali a Hae Tota kona ana takula sibi.

²³⁵ Mi A kambamela kwa Lihalimu, aisa lihapwa ku yo hapwa. A fa limpo kwa batu. Cwale, ifi ni ifi kaufela ya Peu ya Abrahamama ye itakaleza kulifa tifo, kutaha ku to bakela libi zabona, ku kolobezwa ka Libizo la Jesu Krete kwa swalelo ya libi za mina, kutazwa ka Moya o Kenile, ni kuyemela muliko.

²³⁶ Mi ha ba zwisa lifasi ku wena, lika ze felile, kaufela ze fosahalile, lika kaufela ze bonahala kufosahala, inge basali ni milili ya bona, baana ni likezo za bona, ni likeleke ni likopano za zona, mi ni—mi ni mulisana ya ka tokomela madikoni ba hae, ni—ni lika za mifuta yani kaufela. Sikwata sesiñwi sa za lifasi se si kena mwateni ni kutiseza mulisana, ku mu kasheza fande a keleke.

²³⁷ Zwelapili cwalo, mulisana. Mulimu aku fuyole. Upile hande ni Linzwi. Usike wa nga sika sisili.

²³⁸ A kambamela kwa Lihalimu. Ki sikamañi sa Na ezize? A punya lisuba, munyako, yona, tapelo ya Peu ya Abrahamama yee.

Kiñi? Kiñi? Haiba lu ba Mubili wa Kreste, haiba lu shwile, lu ipala kuba baba shwile ku Kreste, mi lu zuhile ni Yena mwa zuho. Ki yena Toho ya Mubili. Ko kuna ni Toho, Mubili una ni Yona. Mi cwale, kakusasana cwana, koo mutu kaufela ya kile aeza cwalo, “uinzi ni Yena mwa libaka za Mahalimu,” ni Peu ya Silena. Kulumbwe Mulimu.

²³⁹ Hakuna minyako. Haukoni ku lapela kufita *fa*, ni kubulela kuli, “Oh, oh, *kileo* linzwi.” Huh-uh. Ba ka ku kwalela fande, ona foo.

²⁴⁰ Kono haiba lipilu za luna ha li lu nyazi; haiba lu ziba kuli lu zmaya ka milao ya Mulimnu; lubona lu tokomela bupilo bu li bo bu kenile hande; lwa bu bona; Linzwi kaufela leo Mulimu a laezi, lwa Li buluka; kona kuli minyako ya sila kaufela i komilwe. “Kona kupa solata, si ka fiwa ku wena.” “U ka koma minyako ya lila za hae.” Oh, muzwale, ikona kuba keleke yecwani yeo!

²⁴¹ Ha Ni kutela hape kwa Phoenix, haiba Mulena wa ni lumeleza, Na sepa, ha Ni kena mwa tabernakele ye, lipula ze li ka yema hande ka swanelo, mi sipula kaufela si ba mwa muzamao wa Evangeli yetezi mwa muleneñi wo si kone kuba hande ni balumeli baba iketile ba Mulimu yapila: mubonahale sina Bakreste; mubulele sina Bakreste; mueze likezo za Bakreste; mi Moya wa Mulimu unzo zamaya mwahala bona, koo, haiba alimuñwi a eza sibi, Moya o Kenile wa li biza ona foo.

²⁴² Li ka ezahala. Mwa libonanga mwa mukoloko wa litapelo, hamoho ni fahalimu fa katala fa. Koo, uli, “Kuta u yo lukisa litaba ni muuna hao. Zamaya, u bulelele musala hao kuli nazwezi fande, busihu bwa maloba, ni musali wa kuli, inge bainzi fa sibaka sa *kuli-kuli* cwana.” Haiba Li ka ezahala fa, ka kuzamaya mwa Linzwi, inge ba teezeza Linzwi le lisisani lani, Li ka ezahala ni ku wena. Wena u Peu ya Abrahamama. Mi, hakuna sibi.

²⁴³ Mukutazi, kikuli ha u tabeli kubona zeo mwa keleke ya hao? Ha ba kena mwa keleke mo, ni kutalima fafasi mwahali mo, kubona baana ni basali, ba bulapeli, ka bulumeli, bali kuina fani ba tezi hande ka mata a Mulimu. Sibi ha si koni ku fumaneha mwateni. Mutu ha kena mwahali ni kuina fafasi, Moya u yema ni kubulela kuli, “John Jones, u zwa kwa *kuli-ni-kuli*, muleneñi, sibaka sa *kuli-kuli*. Utile kwanu ku to fumana foliso ya mubili wa hae. Mwabona? U ezize sika sa *kuli* kwa sibaka sa *kuli*. Na ezize sa *kuli*, mi anga . . . kana, kutisa *se*, lukisa *se*, mi Mulimu uka mu folisa kwa kansa yeo. SA BULELA MULENA KISONA.” Mawi, mawi!

²⁴⁴ Munife keleke, munife baana baba lishumi, babatezi- . . . , macwe abutokwa luli a Mulimu, yona Peu ya Silena, i ka beya baana bao hamoho, mi mubone se si ka ezahala. Amunife ndu yetezi batu baba cwalo ye, mi Ni ka mi bonisa Liseli leo lifasi li ka matela teñi. Yeo ki niti. Sani kona sa bata Mulimu kuli lube

sona. “Wena u munzi o inzi fa lilundu.” Mina mu Peu ya Silena ya Abrahamama. “Ika koma munyako wa sila sa yona.”

²⁴⁵ Matuku, kuna ni libaka la butuku. Kuna ni libaka la lika zee. Mi Mulimu, ona Moya o Kenile, uteni mo ku to patulula nto yeo ni ku mi bulelela libaka ha mu sa li utwisisi. Ki butata mañi bobuli ni luna? Halu lukeli kubilaela, “Kana Li ka ezahala nji.” Lisweli kuezahala cwalo. Ki sikamañi se muezza?

²⁴⁶ Mutalime mupolofita yani. Na si ka teezeza kwa moya wa liñungwa, “Kanya ku Mulimu! Haleluya!”

²⁴⁷ Zeo ki zende. Cwale, muhupule, ha Ni nyazi zeo. Ni sepa kuli mañi ni mañi mwa utwisisa zeo. Yomuñwi naize, “Muzwale Branham ha lumeli mwa kubulela kuli, ‘Kanya ku Mulimu! Haleluya!’” Kihande, amu ni talime fahalimu fa cwale. Na lumela mwa kuhuwa, kubulela ka malimi, kubina mwa Moya.

²⁴⁸ Kono, muzwale, ha mu palelwa kuutwa Linzwi le lisisani lani la Linzwi le li shobota, yani kona taba ye mi nga. Yani kona taba.

²⁴⁹ Elia na ziba ancafazo ye kaufela kuli ne i ezahalela fande. Kono yena nali... Ne i si ka mu hohela kwande ku yo eza lika. Kono hana utwile Linzwi lelisani la Mulimu lani, mo a ebeleliswa. Mi a ipata kwa sifateho, azwela fande. Kiñi? Elia nali Peu ya Abrahamama, inza latelela Linzwi.

²⁵⁰ “Ha muina ku Na ni Manzwi a Ka aina ku mina, konakuli mukupe se mu lata, mu ka si ezezwa.”

Hala inamiseñi litho za luna fa nako nyana kwa tapelo.

²⁵¹ Oh, keleke, cwani, ha Ni feza ku kutaza cwalo, mo Ni ikutwela! Moya wa zwa ku na, mi Ni talima kwa mulaho. Ni bona batu baba kona kukena mwa pokoto ya bona ni kunga lico za bana ba bona, kuli banife zona. Ni bona basali babanyinyani mwahali mo, mwendi ni milili ye mikuswani. Ki sikamañi se ba ka eza? Ne ba ka ni ezeza sika kaufela mwa lifasi, se ba kona. Muuna ya pila ni musala hae cwalo, mi na ni mu lemaka fela mwa liemba emba, ka Linzwi lani, ku mu holofaza, lizwalo la hae liwezi fafasi. Mi kanti muuna yani na ka zwela fande ni kufufulelwa, kuli ani fe sabulishumi. Kiniti. Sani si ni eza kuikutwa, mwabona, Ni kutela mwa nama hape, mwa bona, kana, kiñi se Ni bulezi? Ha ni talusi ku holofaza. Ha ki cwalo.

²⁵² Kono, oh, muzwale, ni kezela ka yomunyinyani ni muzwale, haiba leo ki Linzwi la Mulimu, mi wo ikaba Moya wa Hae otisa Linzwi lani kutaha kwa bupilo, ku mina, ikaba sikamañi ka Lizazi la Katulo? Ni lika ku mi itukiseza lizazi lani. Shangwe, shangwe munge fela Linzwi la Hae. Haiba Ni kutaza sika kaufela se si si Linzwi, ili sepiyo ya Mulimu, konakuli muna ni tukelo ya kutaha ku na. Kono leo kona Linzwi. Mi kakuli Na mi lata.

²⁵³ Haki kuli Ha—Ha ni lati kuli mube mwa mukolo. Kono ki kuli mukolo hauna ku ku silisa mwabuse. U ka kena mw akozi leliñwi la mazazi a.

254 U na ni kutaha kwa Katulo. “Ya tula mulao ulimuñwi u tuzi milao kaufela.” Mi ha u ziba sika se si lukile sa kueza, kuli ki Linzwi la Mulimu ki sepiso ya kueza cwalo, mi ha u sa ezi cwalo, fohe kipeto ki butata mañi? U ka kupiwa ku yo fa libaka, mi ku kaba cwañi he? Mi Liñusa le kakusasana cwana ha li ta yo kuliba mwa pata fa siiponi, ka Lizazi la Katulo, ku ta yoba cwani? Munahane fateni, balikani. Wakona kushwa lizazi li si ka fela kale. Kaufela luna lwakona kushwa. Mi nto iliñwi luli ya niti, u ka shwa.

255 Ne ni yemi zazi leliñwi inge ni talimela boma, na ba swala mwa lizoho. Ne ni sweli bondate sapili nyana, mi na ba buha ha ba timela.

256 Ni ba boni ha ba taha kwa mafelelezo a nzila, bene ba hupula kuli ne ba folile hande. Muli, “Oh, Muzwale Branham, oh, kambe Ne ni ka pila fela nako nyana!” Nako se ifelile. Mi muhupule, lifu ha li cinci moyo. Li cinca fela sibaka sa maino a lona. Mi haiba mubona cwalo, sesiñwi mwahala mina. Mube baba nahana hande cwale. Haiba ubona cwalo, sesiñwi ku wena si kueza kuba ni likezo zeo ni maikuto a cwalo, o sa lukeli kuba ni ona, baka kakusasana cwana, haubaki nji, mulikani? Taha. Ube. . . Ha u lukeli kuba cwalo. U mutu ya ziyelehezi mukwazo. Upile ka niti Peu ya Silena tuwe. Mulimu wa ku bata kacenu.

257 Nanula lizoho la hao, toho ya hao ha i inami, ni pilu. Muli, “Muzwale Branham, Ni nanula lizoho laka ku Mulimu. Ka kusepahala, kuzwa mwa pilu yaka, sani kona se Ni bata kuba sona. Sani kona se Ni bata kuba sona luli. Ni—Ni lyangani fa ni lika zeñwi kaufela, kono luli Ha—Ha ni lati kuba cwalo. Ni bata kuba so bile ubulela kakusasana cwana. Ni lapelele, Muzwale Branham. Ni nanula mazoho aka ku Mulimu, isiñi ku wena, Muzwale Branham, kono ku Mulimu. Mi mwa pilu yaka, U ziba pilu yaka. Ni lakaza kuba mufuta wa Mukreste yo sweli kubulela, Peu ya silena ya Abrahamama, ka Jesu Kreste.” Nanula lizoho la hao cwale ni kubulela kuil, “Nika. . . U ni lapelele kwateni, Muzwale Branham.” Mulimu ami fuyole. Mulimu ami fuyole. Kaniti Uka mi ezeza zona.

258 Ndata luna yakwa Lihalimu, mwa Liseli la Linzwi la Hao, mwa mata a zuho ya Hao! Mi Ni ziba cwana, Mulena, kuli sicaba se si shebile linako zeñata sa lyangananga fahalimu fa, ka ze shutana. . . Sicaba ha si zibi sa kueza; se si taha, si bulela nto yeñwi; mi yomuñwi utaha, ni kubulela nto isili.

259 Mi kwanu kwa Phoenix, ona muleneñi tuna wa—wa, kihande, bo sibuhabuhi, koo lika kaufela ze zwa mwa naha kaufela liikenela fela mwateni, bubeli bwa za nama ni za moya. Ne ni yemi fa lilundu, zazi leliñwi, ni ku nahana kuli ki linako zekai Libizo la Mulimu ha li itusiswa mbango mwa lizazi la kacenu, ki litaba zekai za boozwa ze ezahala, kamba sibi ni busafa bwa sileze mwa mikwakwa mo, ni libaka za manwelo

a macwala ni linzinzi za mwateni, ni lika kaufela, buñata bwa bona ba ipiza kuli ki balumeli, Bakreste!

²⁶⁰ Basali baya mwa mikwakwa, ni kwai mwa mazoho. Ku zamaya ni liapalo za butanya cwalo, kanti Ubulezi kuli za Ku nunkela, “Ki maswabisa,” inge silutelo sa kale, sa masila, se si tezi mafume, se si timbelezi busafa se sinunka muluto kokuñwi. O Mulimu, kana musali ya ipapata kuba ni Moya o Kenile aka eza cwani nto yecwalo yeo, mi ki ya ziba kuli mwa lingo za Mupilisi, za nunka zeo, kuanka kubola? Ukona kuba cwani ni nto yecwalo mwa Mubuso wa Hae? Ndate, kambe ne ba ka ziba feela, ba inezi kwahule ni Zona ka limaili ze milioni.

²⁶¹ Na lapela, Mulimu, ube ni makeke. Hakuna yabata kuya kwa libaka za babalatehile zani. Hakuna ya bata kushetumukela mwatasi mwani, Ndate. Libe kwahule kuli luzamaye kwateni. Ibo mwatasi mwani ku na ni pilu yende ku mutu yani, muuna yani, musali yani, muuna kamba musali ya na ni pilu ye fana mi yende ya sishemo, mi ki ya pumilwe fela ki diabulosi. Ki diabulosi ya ezize cwalo.

²⁶² Satani, Na ku lwanisa, kakuli u sila sa Mulena ka. U sila sa Linzwi la Hae. Mi Na ku kalimela, ka Jesu Krete, yena Mwana Mulimu, kakuba mutu ya shwa, ka kuziba kuli Hanina mata mwahala ka. Hanina mata a ku ku tuhelisa. Hanina mata akuli basali ba bakene, ufi kaufela wa baana ba, babasweli kuteeleza kwa tepu ye, kamba—kamba kai kaufela. Hanina mukwa wa ku ba kenisa ka ona. Hanina mata. Kono Ni na ni bundume bwa Linzwi la Mulimu, kakuba mutanga, kuli ni Li kutaza, mi ni tamehile kwa mata ani. Kuswana sina mupokola fa mukwakwa mwabezi ya sina mata a kuyemisa mota yezamaya, kono una ni bundume haeza cwalo.

²⁶³ Mi, Satani, wakona kuswala mambuleki mane a lile, kakuil Na ku atula, ka Jesu Krete, kuli u tamulule sicaba se si ikele, mwa lifasi kaufela, kaufela ko kuya Liñusa le. Ba tamulule. Na banga, kuli ba lekilwe. Ha ki ba bona kwande. Ba lekilwe ka teko, yona Peu ya Silena ya Abrahamama, ili Mulena Jesu.

²⁶⁴ Wena yatezi masila, lisafa tuwe, muipi ya nunka, mupumi wa batu, ya ba zamaisa ka bubofu kukena mwa misima ya lihele, ba tamulule. Na ku atula, ka Mulimu yapila, ka Sitabelo sa Mwana Hae, Jesu, kuli u ba tamulule, kuli mioyo ya bona ikone kutamahana ni mbuyoti ya Hae ni Pata ya Hae, kuli ba kone kukoma munyako wa sila kaufela. [Hakuna manzwi fa tepu—Mu.] U ba libelelisize nako yetelele ka *se*, *sani*, kamba *sesiñwi*, kamba muswalelo omuñwi o kenile, kamba nto yeñwi fela, kono Ni bulela kuli u ka latehelwa ki mata a hao.

²⁶⁵ Kana butuku bu ka yema cwani mwa tozo yeswana sina cwana? Konji fela ha ba hana kutalimela kwabuse a sepiso sina ndate Abrahamama mwa na ezelize, ha bona Yena mwa siswaniso lilimo limo myanda li si ka ezahala kale, ha litaha.

266 Ba tamulule. Ka Libizo la Jesu Kreste, tuhela sicaba si zamaye.

267 Mi cwale mata a Mulimu, kutwisiso ya Linzwi, habanze ba tapile kakusasana cwana ka Lona, mi kutwisiso ya kubuluka Linzwi la Mulimu ni lisepiso za Hae za niti, muswalelo o si ke ku lobywa ki Satani. Mi mutu ni mutu a swale sepiso yeo, bali, “Se ki Sona. Ni swalelezi ku Sona. Mulimu u file sepiso. Kina peu ya Abrahamama. Kana Ni kona cwani ku kakanya sepiso ya Hae?” Ni kuzwelapili ona cwalo, ka Jesu Kreste, Mulena luna. Amen.

Na Mu lata . . .

268 Libile li pumaka kakusasana cwana, balikani. Halu lumbekeni cwale ha munati.

Kakuli U ni latile pili
Ni kuleka puluso yaka
Fa kota ya Kalvari.

269 Kana ikona kuba nto ye konahala, isiñi kashwau, batili kutokwa . . . Bo ki—ki bulapeli. Halu nanuleñi mazoho aluna ku Yena yo lu lata. Mi luli:

Na Mu lata, Na Mu lata
Kakuli U ni latile pili
Ni kuleka puluso yaka
Fa kota ya Kalvari.

270 Cwale, ku musali kaufela kamba musizana mwahali mo, le ki lizoho la ka. Mulimu wa mi lata. Ku muuna kaufela kamba mushimani mwahali mo, Mulimu wa ku lata. Na mi lata. Cwale, Hani koni kufita ni kuswala mañi ni mañi mwa lizoho, kono Mulimu atoloke ku mina se Ni talusa. Halunze lu opela yeo hape, mu fetuhe fela mi mu swalane mwa mazoho ni yomuñwi. “Ka se batu kamukana ba ka ziba kuli mu balutiwa ba Ka, ha mu latana, yomuñwi ni yomuñwi.”

Na . . .
. . . kuleka puluso yaka
Fa kota ya Kalvari.

Na Mu lata, Na Mu lata
Kakuli U ni latile pili
Ni kuleka puluso yaka
Fa kota ya Kalvari.

271 Kana ha mu Mu lati? Ona maikuto amande ani a Moya o Kenile! Linzwi ki musebezi wa kukenisa, la ku kubula fela hande, ku kuezwa sibupiwa sesinca, li zwise lika kaufela. Linzwi li buhali kufita mukwale o lozizwe kafa ni kafa, la sebulula kuezwa mupato, ku pumaka lika kaufela za lifasi. Mwabona? Mi luikutwa ku kena, ku kubuleha, kuamuhela ni ku Mu lumela. Kona mo lukona kuopelela cwana:

Na Mu lata, Na Mu lata
Kakuli U ni latile pili
Ni kuleka puluso yaka
Fa kota ya Kalvari.

²⁷² Ki nto yende yeo? Na ilata fela ka pilu yaka kaufela.
Mwabona? Ha lu ilikeneni hape, mutu kaufela cwale, luli, fa
halimwa manzwi amina cwale.

Na Mu lata, Na Mu lata
Kakuli U ni latile pili
Ni kuleka puluso yaka
Fa kota ya Kalvari . . .



MI PEU YA HAO IKA KOMA MUNYAKO WA SILA SAYONA LOZ62-0121M
(And Thy Seed Shall Possess The Gate Of His Enemy)

Liñusa le ka Muzwale William Marrion Branham, neli kutalizwe lwa pili mwa Sikuwa la Sunda kakusasana, Sope 21, 1962, ili fa Faith Tabernacle mwa Phoenix, Arizona, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatizizwe ni ku hasanyiwa kiba Voice Of God Recordings.

LOZI

©2023 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleñi ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org